

第十四冊 詩文類之二

雪  
廬  
詩  
集  
下

辛亥續鈔



辛亥續鈔小引

辛亥者國政鼎革之新元也初軍人兼政爭地  
內闕黎庶蕩析無間歲致啟日夷覬覦丁丑入  
寇中樞出狩寇以空軍遍襲各省半爲焦土經  
八載寇降毛共獲美蘇卵翼僭易漢幟作亂徐  
蚌中樞再出狩次台島今又逢辛亥紀歲矣嗚  
呼前之辛亥余朱顏玄鬢血氣方剛遭世亂而  
不知厭今之辛亥頭童齒豁血氣既衰處時亂  
而力漸疲且今之時尤亂於昔之世素之行  
莫若何也已雖然竊嘗聞之天道不變自強不

息力者形之所賦心者道之同恆形固有所疲  
道寧有不恆者也諦觀夫禽獸食人能無動是  
非之心耶而興觀羣怨交感於中有不得已於  
言者無已則吐之爲快故有辛亥續鈔

綜觀全集

雪廬詩集

格高意妙

詩律深嚴

稷下李豔炳南著

辛亥續鈔上

庚戌臘月望

集中諸體

今年須賞今宵月放過重逢便隔年莫道來宵還可賞與

皆工而七絕  
最勝皆有  
托意愈新  
而神遠

雲也欠一分圓

重逢辛亥人日

梅讓開基辛亥年西瞻禹甸沒狼煙少康多難終存夏媧  
帝神功會補天傳靈同懷湘女廟洗兵遙憶漢陽川今朝  
海上逢人日戲著衣冠立鏡前

所言二首

切中時弊小  
雅遺響

只有興亡在似無是非存  
千言已諾諾一謬何足云  
國士曾抉目時維佞口尊  
蘇張惑六國厚誣秦所吞  
二子亦人傑各能售其言  
不同坐井輩閣閣議乾坤

滴水石難入有言人不知  
三歎扼腕起指掌詳析疑  
東云時過早西笑機或避  
叩君適中術搖首俱無之  
廣庭不一斷退後多異辭  
淆亂惑乎定折衷於四夷

循溪歸來有感

隨處激湍鳴歸來不濯纓  
一溪今日水無復在山清

醒來

一語抵百道老  
滄桑之感

醒來忘却是何年  
身似浮漚夢似煙  
今夜流光今夜月  
雲天非復舊雲天

達夫塞上聞笛梅花關山之義注多穿鑿師其意而  
淺釋之

荒天列幕是人家  
似有東風一片斜  
吹散戍樓羌笛怨  
關山雪月遍梅花

高華

慈益事困則人避興則有爭  
余任退三再引退

白髮三千銳氣消  
從拋書劍事漁樵  
骸無補乾坤治僻  
性難隨朔望潮  
月斧天邊斲紫桂  
雨絲濠上釣游鯽  
何年拾得醫心藥  
再與諸君話市朝



鏡

接聯氣格  
不減盛唐

萬象森然具妍媸印一如光涵天地外機在色空初雞肋  
慚相視雲鬟笑對梳肺肝雖自捨介爾有乘除

酬故人由美寄詩

美州春色醉詩僑白下聯吟夢未消兩地看山青一樣開  
樽風雨不同澆

斯文

斯文應向壁間儲避世無知品自如省識深坑秦火後有  
誰還讀十年書

橄欖

對燕拾燕  
寄深婉

橄欖高柯深谷陂市聲蔥蒨日初時  
村村蠶婦牛童飽不識回甘味一枝

慰月

君惜月言

識得濟南月迢迢來異鄉離人招不去  
兩地斷君腸

書拙

不欲多人上天教有限才詩工已遭嫉  
書拙未堪哀袖暖無煙垢門扁護碧苔  
一閑為一樂輕似掛冠來

訓陳定山教授題雪廬詩文集

唐人章法  
袁巧境答

雪廬遙傍定山岑俯枕清流仰喬雲  
爛縵千峰摩詰畫喧虺萬壑謫仙文  
風塵老去猶醒眼襟韻蕭然愧報君  
素壁

籠紗珍重誦硯田來雨助耕耘

題蔡丈濤聲雲影圖

鳴濤滌瀑來雲間雲不歸去留遮山隨濤還向雲間入汗  
漫一舟一箸笠兩岸巖巒多梵宮古松倒掛吟清風清風  
盪胸滌塵垢世上萬事心不有雲悠悠濤長流恒沙大千  
憑几遊

有待

暖日催桃李瑤華鬥絳英知他春爛漫有子待秋成

供菊

神淡原非傲心清不溢香爭留百花住共閱九秋霜

起筆奇隨  
韓蘇調也

藍蝴蝶

似陶

空庭夜來雨雲散日西斜牆下藍蝴蝶  
新開雙箭花忽憶童子時榆槐陰  
我家樹隙多種此細雨抽肥芽宛然  
今與昨不覺年已加栩栩未飛去  
莊生猶夢華故園或無春只在  
海天涯

詩

想奇去曲

嘔血脫眉真入魔遭逢窮困便高歌  
冰山愁結三千丈一片東風化逝波

題畫

松塢茅庵絕六塵山為清友水為鄰  
從來秋晚飄紅葉添

箇門前掃徑人

春暮山莊留別

夾岸桃千樹殘紅送馬蹄  
游鱗衝錦浪歸燕啄芳泥  
藏酒再來勸有詩今日題  
明年縱違約也念武陵溪

結意不盡  
唐律法也

蛙

似杜詠物  
諸律

水草昆蟲地霽空明月時  
凶年仍大腹何事尚多辭  
譙戍伏波鼓春塘康樂詩  
與君無所借那復問公私

鄰竹清陰二首

鄰家避暑萬竿雲更向我  
廬障夕曛記得胸中高節  
在清涼自有不勞君

煮趙

不因人熱豈因涼  
任笑迂哉任笑狂  
百計無如撒籬落  
賣書高築紫泥牆

題中興大學新蟬社詩集二首

春風吹徹綠槐濃  
新唱高枝聽幾重  
長夏不愁驅午睡  
紛紛白雪入詞鋒

太白雖誇小謝才  
文章一脉接蓬萊  
綠川南浦先生柳  
多少吟蟬抱葉來

晴宵仰觀

萬古詩中畫青天  
漾白雲虛生吳道子  
不羨鮑參軍海嶽  
縱橫變瑋瑣燦爛文繩牀  
蓮心筆十剎邈無垠

張琴

孤客張琴月下舡  
楚江秋碧蜀山青  
人間莫道知音少  
還有嫦娥天上聽

中興大學花園晚時宴坐

景况似康樂

峻嶺散綺霞  
平疇鋪落照  
掩扉無客來  
竹徑風猶掃  
行吟傍花畦  
箕踞藉幽草  
天末沉海雲  
東山月色早  
參差數星出  
林際靜宿鳥  
羣動機未息  
吾心已先杳  
坐久露華滋  
塵氛忽焉少  
歸軒望燈火  
煙靄蒼嫋嫋

舊京

氣勁調響  
槐花城闕曉  
炊煙夢斷舊京三十年  
八月長風秋萬里  
為

誰今日雁書天

海西

初唐風韻傳  
人之景也消

黃葉城邊沉月鉤  
海西天接故宮秋  
無端心與環相似  
一掛雲間便不收

西風

暮天雲傍遠山盡  
碧海濤隨孤月升  
半島西風愁萬里  
明

神韻

朝倚樹望金陵

美人

美人深谷莫求徵  
一入宮闈白髮生  
作賦畫圖多少事  
黃

金有力貌難憑

七字名言前  
無人道快春  
字中其可如  
行一收



追悼鄉人戴鎬東教授

去歲筆於

故鄉有故人戴子君子儒珂里習絃誦亂離浮海居春風  
鼓絳帳桃李盈階除達巷嚴禮儀互鄉樂琴書余好貝葉  
篇時來契真如豎拂相視笑落花不沾裾一日三秋隔三  
秋歸太虛雲樹不知向翻愁晒其廬從茲隱几默懶論三  
五車憐君終瘞恨非為家虧餘白頭猶短命不及見青徐  
今莫賦大招恐增鬼敬獻會看掃犂近定遂寸心初首丘  
牛山陽山額蹙應舒

松筠王世姊哀辭

昌黎祭姪文猶在讀未終篇淚已垂况是良朋偏愛女飛

來大聲返真辭應求佛國無生滅休向人間再別離且補  
雙親腸寸斷孝魂西去莫遲遲

友亡必有所賻年輒百人計廿三年矣其數當逾兩  
千驚悼曷已

南園轉折  
唐人章法

二十載來朋兩千荒山秋草暮凝烟漫言地下骨猶在爭  
及人間交不全覽鏡也曾搔白首開書每欲問青天彭顏  
修短知誰似負手中宵看月圓

### 小寒

共說小寒至仰天微笑聽無庸焚獸炭更不障人屏陰極  
朔方盡陽生冰下零東風向西度楊柳玉關青

三臺歲臘

玉局格調  
澆花思

漢高孝思移閭閻力已屢竭難遂初固饒鄉音話風月近  
宅青山焉得如羈人况無子孫賢誰變鄒魯聞詩書但求  
聊遠胡羌氣萬事縱好非吾廬吾廬濟南有喬木七二泉  
鳴九煙綠澤流八世未遷基愁任蒿蓬没主犢歲時薦新  
夢魂中曉起仰望北天哭湯文地無丰鯤台皆掃禹甸煙  
塵開願看青徐平野盡玉山劍潭拱蓬萊渝州漢旌昔出  
狩杜宇聲聲終喚回會當真人乘紫氣秦嶽不必西飛來  
黔婁辭傲武丐興學皆吾鄉窮人也  
黔婁難屈貴武丐忘私賢慚對同鄉語吾囊有守錢

自負

談說之趣  
有莊語有  
痛語

自負時豪薄古人幾經捫腹始覺貧圖書勉讀十千卷左  
右忽逢三兩鄰日月昭由天地繫文章義出聖賢新恐今  
充棟洛陽紙半作他年雨後塵

春禊綠川對月時有填建市場之議

挽住詩家月今宵禊綠川風林嘯達籟練水蕩春煙翻熄  
文翁教將尊少伯賢清輝再來照海客醉花鈿

乘快車穩而不覺其行但見萬物來奔

蜿蜒震電駕龍飛綠野如濤天一圍不解前行安穩計看  
成萬物自來歸

多月

天山龍塞玉闔樓羌笛胡笳處處愁  
不信人間有多月秦  
淮看罷下揚州

野鳥

孤山處士本無妻但掃茅菴家已齊  
抱膝高眠任昏曉偏  
來野鳥隔窗啼

球

宋帝唐皇兩冠軍四夷雖巧未超羣  
千拋萬蹴皮囊壞幾  
箇收場值半文

題贈香積小廚素食館

鼎俎衆生肉屠門刀頭血憐他昧因果擅作泥犂孽屠夫  
自軒渠振振多妙說冤債吃者還捉刀是幫閑律條科主  
犯與我何所闕聽之亦成理究竟誰癡頑

滅法

滅法非三武高僧早隱淪無花笑迦葉有淚混波旬貨貢  
鹿臺壯綺羅金谷春如來平等智不管伽藍瞋

國家復興文化襄贊多岐甚有主西化者

婉西多風

天隨人事共紛紜秋日濤瀾夏日雲萬里挾風危席幔重  
霄不雨障曦曛雞蟲得失難為主楊墨門牆各有羣解道  
尼山愁左社憲章祖述是何文

中興大學文學系詩社賦柳院聞鶯 承主試

鶯嘯春風塵未安  
柳煙深處結詩壇  
鍾靈仙嶠士多俊  
震電晴空詞有瀾  
隔葉好音求友賞  
接天青眼照人寬  
門牆應是陶元亮  
斗酒聽終割捨難

壬子春月三望皆雨入夏晴杜鵑尚豔

三春客園雨空負  
一年花不得月中賞  
由他燈外斜條鳴  
涼忽滿弦細淡無  
遮寄語杜鵑砌  
莫啼歸去家

哀國聯

世滅天還在  
消愁酒遜詩  
山河中國舊  
鬼蜮四方夷  
漏盡燭添波  
春歸花斷髭  
無情猶復爾  
愴父欲何之

天

不信天還缺更非人可凌  
渾淪一乾象浩漫萬坤承  
武乙弦空放媧皇補未能  
了知交泰理風日渙春冰

經五丈原

溫飛卿有此詩  
王雙張郃也

異其立義而作者育賁謂

行潦欲招丞相魂  
祁山殺氣魏堪吞  
天兵不武臨巾幘  
虜將多能折育賁  
篡國臺成曹父子  
出師表為漢乾坤  
靈光未共秋星滅  
歲歲金風度劍門

騷壇

天下騷壇崇杜甫  
但崇甫名寧解詩  
一千五百首幾許  
朱墨窮究之戲  
摭生僻流傳外  
塗抹誣妄充私  
詞宗

橫空盤硬  
排妥貼力  
排真似山  
吞半力



回首或環項毀似搔鞞鬃毛皮斯文掃地興復廢昔困投  
溷今狄夷黷宮爾來習諷詠考古獺祭聊取資老生少艾  
互相詬呶吸難與分醕醕古調不彈六十載悠悠天地來  
者誰風雷鳥蟲象流轉萬物豈殊星斗移簫韶在齊偶得  
遇鳳凰在楚非其時

索居二首

琴有星辰劍有霜一收魚匣一收囊客來惟煮新茶勸不  
把詩書話短長

四十年間一葉舟錦江春色劍潭秋反身欲補生平過不  
信逝川能倒流

興廢雜感五首

勁草

一氣旋折  
淒麗新警

鹿臺南望館娃宮，山月還來歌管空。  
何代荒城無勁草，幾

魏受禪臺

資治通鑑曰：壇注在許南二十里，高七丈。

天道至弓  
典之局基

欲薦蘋藻，吊伏完。魏家宮闕洛陽煙，忠魂地下應含笑。再

兩章皆委  
始不冬與

築新臺四十年

寫著青娥  
肉古今同  
妙

晉受禪臺魏祚四十六年，西晉五十二年。

依樣葫蘆兩局棋，王樵尚未爛柯時。  
贏得多添六年淚，當

初也。或路人知

野寺

擬士我北鴉  
陣鼓想奇  
擊又移在  
佳話之念舊

昆陽垓下跡俱空  
野寺歸鋤三雨農  
不許依天鴉作陣  
沉暮靄數聲鐘

巢由

歷代帝業  
王室慘局  
穿概深矣

二十五朝沉夕陽  
東風幾日絮顛狂  
巢由深得子孫計  
不向人間作帝王

觀海

聲調氣格  
逼近卅堂  
第四句非見  
道者不能言

色地涵天量自寬  
茫茫八表湧濤瀾  
從無一象能超外  
知有真源欲話難  
日月虛空圓鏡印  
蛟龍世界萬宮蟠  
人間列國衣裳會  
幾片東流聚沫團

霧天

潭成之坑

共工觸殘後女媧未補前  
暴風鼓凜冽砂礫搏昏煙  
霰雹縱橫飛且多淫雨懸  
我今撐弱掌暫遮求苟全  
或言造新界舊物應棄捐  
蚩尤善作霧由彼當玄天  
一夫登高呼從者萬與千  
晝夜相互更時哉非偶然  
芒芒斂手隱方寸有愚賢  
南車不改向人性難以遷  
會看容成曆終是軒轅年

山居樂趣

凌而味永

山中卧白雲茅屋依孤松  
深谷知歲月採幽蘭菊蹤  
更愛蟬鳴樹月升霽雪峰  
野叟自有樂物華任其穠  
燕雀悅城市翔集番樓鐘  
問君胡不往藜杖隨心慵  
咫尺畏曲徑皇

論闖百重四隅連九衢多岐亦難從

題天女散花圖

前真快活舍  
善結慶者而  
不為尤妙  
無法說有法鈍根執為妙分明珠在衣偏向他人要再拜

問知識招他啞然笑君欲鑿渾沌強之開七竅從本無能  
所更非因緣造悟則當前是當前亦空號長天無片雲鳥  
跡尋不到座中兩大士處默心相照忽有花雨來看露誰  
衣帽

溪村晚眺口號

鴉噪殘陽樹杪間溪邊村女擣衣還幽居幾處炊煙裏知

滄浪以三昧論  
詩此真三昧也  
有誰家愛晚山

觀蓮

陂塘十里赤芙蓉花似車輪葉萬重  
欄縵文章隨妙手琉璃世界絕塵蹤  
東林結集增新社西嶽翔翔削幾峯  
若得今朝開淨眼如來沙剎一時逢

戰

倚樹觀青史丘隅蟻鬪兵不知誰曲直  
但見勢縱橫楚漢俘填壑羌胡血滿營  
拋書同一淚咄咄問羣生

臺俗秋祭七月朔至晦而止今七晦亥時節交白露  
計仲秋既望節正秋分

朔祭終於晦燈殘散酒羣露交夜中白秋待月圓分時俗

澆仍厚鄉翁質有文農黃子遺在數典望泥雲

秋霖晚步

以比典結得  
樂府風韻集  
中五古之異采  
也

日落天氣清蕭寥阡陌行秋霖及旬苦昨午新放晴丘山  
晚更碧溪水澄且明徘徊得所適羣動非一情隔溪度弦  
管樹杪宿鴉驚樓臺深靄間燈火交晶瑩檻內多粉黛煙  
中車馬鳴白雲猶在天綠蘋自在泓蘋可俯身采雲飛向

蓬瀛

壬子既望冬至前夕

起撥鑪灰夜未央愁吟戍鼓六更長再圓窗月餘寒盡又  
發籤芸萬古香曙色開天懸白日物華待歲布青陽海涯

南望殷勤記幾綫回歸是故鄉

訓陳子定山六十二年元日書懷見贈

同園跌宕而  
情韻不置此  
永泚體也

盪胸疊彩雲飛來初展已似瞿塘堆濤瀾翻空挾山轉蛟  
龍潛舞猿鳥哀天涯共愁守除夜寫怨焉得陳思才半篇  
停吟起惶惑定山之外誰有哉覩名欣然負法眼三復欲  
賡總顏報青蓮盛唐第一人黃鶴樓頭擱翰管八音四律  
吹白雪亦畫亦詩酒幾碗他日或賦鳳凰臺今朝難與爭  
長短武陵源裏仙凡殊魯叟索居貧且孤山家插梅炫清  
儉旭旦為我新挑符鄉思縷縷若抽繭三十伏臘腸澀枯  
澆腸澆愁豈無酒逆旅之酒非屠蘇班超玉門願生入終



信少康復安邑禹甸萬物育東風禮樂重興干戈戢北地  
臘鼓南辛盤放歌縱飲樂春及柳川綠川話前因宵深連  
牀晝促膝

詩陣

逼眼詩猶陣窮年筆折鋒列營森劍戟據勢鬪蛟龍兔塚  
成堆滅煙痕滿壁濃邀誰一夕話抉摘古人蹤

牆頭狗尾草小人所加無不福君子也

可庭星斗慢藏珍遠有青山近少鄰黃土牆頭生狗尾盜  
來相顧此家貧

臺灣寒食值世清亂惟臺端正禮俗有小康之象

插柳過寒食他鄉故國情黃陵春幾許白首歲孤征花鳥  
今無賴絃歌小太平來朝聞祭掃突兀又清明

杜宇 雨宵二時鳥不出啼惟杜宇益啼

莫遣東風入峽西家家巢燕恐銜泥招來杜宇哀閨怨晝  
雨宵晴不住啼

園叟

東風桃李繡成堆園叟芸鋤日幾回不向遊人話秋果知  
他都為看花來

落花寄人

撩亂紅飛去參差錦作茵斜風半天雨曲岸一溪春巢幕

體物寫去  
俱高妙

景超法婉

歸香燕銜觴坐詠人倘從兜率落自在不霑塵

樓上晚眺晴霞

結語絕妙  
高華青蓮  
備傳

山樓雨過晚凭窗樹杪風生暑氣降仰視蔚藍天似水晴  
霞曳錦浣滄江

時

月黑鳥鳴草滿陂人間天上奈何時偏教國祚秦皇短千  
聖低頭馬克斯

我國退出國聯

睥睨國聯猴戲同何如不正晉文公軒轅使節分庭坐羞  
煞孔門五尺童

退休索居

樸老似陸

風月無私共四鄰  
龍鍾少累賴清貧  
猶嫌堆案詩留稿  
幸免敲門吏捉人  
江上山間隨意適  
乞醯分火有情親  
任他牆外喧車馬  
鏡裏秋霜不染塵

王昭君風箏

人物交融工力深  
不主音寄聲風神絕速

青塚自寒食梨花非漢宮  
珮環虛月夜阡陌想丁東  
一縷結心繭九霄尤畫工  
轉愁天地氣化作美人風

答友人催和詩

結駘道出詩境之妙所謂能事不受相迫促也

三復心如洗  
賡毫百度思  
才無江總盡  
句有閻仙遲  
皎月出峯上  
騷人吟水湄  
紅塵白雲外  
能望不能期

宿山寺遇雨曉望

曙色侵高閣捲簾煙萬峯繁紅濕禪院涼雨度疏鐘山樹  
不聞烏潭雲疑化龍僧來荷舊笠似昨夕陽逢

住山春賞桃花

無肉亦無酒春來多損顏桃花幾日好豈可暫離山

中興大學新蟬詩社第三集題辭二首

未肯秋風噤抱枝却逢新數少康時中興鼓吹回天地不  
是蝸蟾一例詩

綠槐深院午天晴南北樓頭韻轉清幾處疏簾度綠管隨  
風并入讀書聲

伐柯劍

任淡去痛

七曜依稀斑幾層  
平添樵子伐柯能  
風雲百戰屠龍虎  
偶不逢時困葛藤

傾國姿

天下難求傾國姿  
深宮從此醉金絲  
君王暮暮朝朝看  
暮

後二法因果  
一如能而不  
禪理也  
得未

暮朝朝傾國時

曾有連用八  
疊字句奇調  
真自太白  
出

宿山寺觀朝誦

山寺霜鐘動香雲  
入戶來吟蛩連澗  
聲殘月下樓臺珠  
轉蒲團靜燈凝貝  
葉開經行林水外  
魚鳥不相猜

晚晴

新洗碧天搏紫雲，幾家樓角掛晴曛。  
林臯久坐忘歸去，啼鳥還巢三兩羣。

抒憤五首

胡姬

二直作貳  
此二者蓋款孟  
日寒盟也四十  
字中情事曲  
盡風雅比興  
樂府寄託  
七體也此首  
持人之忠厚  
次首佛家之  
超脫  
故婿貧兼病，胡姬貳舊盟。  
琵琶羞漢語，芍藥喜新晴。  
盆水覆何顧，牛衣能更生。  
謝君非負我，苦節幾人貞。

縱獵

脫爾中山獵，懷碑念未存。  
但行東郭志，不悔白狼吞。  
王道多開網，兵家務剪根。  
何妨仁與智，一笑兩無痕。

鬻宮

羯鼓西羌笛，黷宮五十年。識丁人不貴，去國姓方傳。富士  
山頭雪，馬孫河畔蓮。俱言此間樂，笑唾舊堯天。

狂歡

投書塞洙泗，大壤任狂歡。舞蹈勝於酒，蒲球半似官。違情  
室人欲，快意溺儒冠。皮老陽秋在，捫心未覺寬。

佞口

佞口胡為者，呶呶欲爍金。無言不水火，分道有人禽。禹甸  
猶稱夏，周球未改陰。上醫如可覓，或挽陸平沉。

羈身孤島不論文久矣憶莊太史

久居孤島不論文，每自微吟輒憶君。詩格春鶯新出谷，道



心朝日半藏雲清  
秋空負溪山興異  
客兼無麋鹿羣離恨  
有同憐草木蘆花楓葉各飛分

嗜茶自嘲

以禪詩資全  
篇詩律精  
嚴斷翰手  
也

石鼎山泉沁齒甘  
禪心詩興待茶酣  
枯腸也只三甌潤  
妙悟原從一句參  
松徑月圓僧對坐  
荷亭日午客清談  
陸經虔誦勤供養  
摩詰謫仙同此龕

雜感六首

開籠放鳥

情枝文融  
態活去遠  
少疎畫鷹  
筆也

振翼爭衝出先依  
近樹枝梳翎兼啄尾  
喧語帶驚辭似夢  
情猶怯還巢路不知  
殘生餘苦恨已失  
舊雄雌

提籃放魚

脫網囚盆甕寧知待鼎烹捉移籃底卧提向路中驚竟得

結處翻進

一境是謂奇  
妙不測

長川水欣逢絕處生夜來遭斷火又助賣魚聲

禁漁獵願

弱肉強食適者生存達今文之說也

弱肉強食  
在作優勝  
劣敗

如何禁漁獵物我共逍遙達氏多偏見東方惡逆潮江龜

友相送林鳥手能招仍可攜書卷高山任採樵

率獸食人

人與人相害違論體物心盈虧問天道烏獸飽尸林火陣

新開地枯骸出舊岑明朝遊說士搔首復沈吟

中寫大陸慘  
狀十五字盡  
之末視季辛  
吉輩

原子武庫

顛夫競原子可使地球崩逐物無他技殺人唯一能時當  
天隕滅爾獨氣峻增聞說三千載還餘炎毒蒸

黃梁夢醒

英雄悟能斷白日麗青天開眼方知夢炊梁尚有煙人禽  
皆自得怖畏本唐捐世上無多事狂且好糾纏

月下啜茶懷李謫仙

邀月飲茶詩更清客心水洗腋風生時人但樂花間酒誰  
識汪倫送李情

答人問我所好

世人多偏好問我云何采甲骨漢石經秦權周鼎鼐中年

只如口語而  
凌遠自不可

及此六有得  
於陶者

曾耽之今老癖已改癘病更不須萬金高官宰日落月未  
升繩牀偃卧待白雲幻奇峯青天湛似海蕩蕩無能名悠  
悠寧千載窮日遊四極釋然消磊塊我心亦不有如是大  
自在

閏四月

閏月端陽晚葵蔬折未多朝餐盤儉素午睡席清和巢幕  
棲新燕池塘捲綠荷天心重建夏農圃莫蹉跎

驚蟬 蟬齊女吾鄉音也

落花時過一聲蟬高枕北軒驚午眠玄鬢白頭西陸恨齊  
州如夢夢如煙

結語疊字  
法又及兩句  
詞名極其工  
妙

夜大雷雨有感於飛騰之士賦以自省

破壁龍飛去遙天震有聲  
雨來高樹響雷閃夜窗明  
只愧端衣坐差無失著  
鷺金陵畫若在莫率點雙睛

送友人回韓國

天際歸帆杳關津獨立時  
煙濤何處國風雨故園詩信有  
秋空雁應多綠島思懷君不一緒  
健羨舊棲枝

羿罪

羿死猶膺罪逢蒙歡且呼  
西來惟有我南面可稱孤  
角翼添豺虎人民賤狗芻  
元凶在師道我正哭窮途

時世

以下三首皆  
碼有所感  
之事蒼憤  
似杜夔州詩

三四與象似  
唐人

時世何須論茫茫一問天天高寧側耳地廣卻鋪錢闕窟  
塞仁里祇園開盜泉看誰能不染獨作淤泥蓮

造霧

硜硜八旬叟多遭世播遷狂潮攬二氏魯壁朽孤絃縱使  
老無力還應心補天智人終不惑造霧實徒然

海上觀日出

海上升紅日林杲尚晦暝不聞啼衆鳥但見沒疏星山曙  
連天峻潮平接岸青我思藏芥子攜去校羣經

訓新嘉坡廣義上人索和

高僧秀句出禪心南海潮生紫竹林境絕慈山菴主澹藤

沒截氣象  
雄遠託去  
高放

遮石屋月春深慈航帆遠飛花雨蓬島雲來有梵音細讀  
名言皆載道凡才不敢共題襟

銅雀受禪兩臺一龍華殿也

阿瞞父子兩高臺漳水繁陽王業開入幕文多傳靈草奪  
袍孤有穿楊才未甘三馬槽芻盡何忍一龍皇子哀詩興  
春秋俱不作沾沾疑塚辨蒿萊

紹唐宗長榮膺桂冠徵和二首

三唐各有妙風姿惟到青蓮始出奇光燄至今長萬丈冠  
軍還是李家詩

頗牧幽燕老將壇詞鋒直射斗牛寒客槎未盡河源水故

借問太白巧  
而不纖

上青天愧更難

山水

理致超妙  
不落言詮

溪山皆是自然詩百讀何曾有厭時  
莫把清音問師曠  
微機不必盡人知

看山

惜異代知音  
之難遇寄託  
深婉

遨遊萬里愛青山誰識宣城謝朓顏  
鏡水虹橋秋色裏  
謫仙去後北樓閑

哀飛蛾

借問君何見火途寧不知趨炎自古錯  
悔吉奈今逢撲  
簸聲猶在揮驅塵未移  
廢然凭几喟我似更愚癡



山居

第四句奇警  
中歲卧山丘時違退急流  
巢松汲清澗驚馬折吳鉤  
有用還天地能詩自唱酬  
此間風月好來往素心投

秋分夜供曇花

撫松看月罷虛幌  
納清涼萬籟遠天靜  
一花全室香秋來  
分此夜曇現似空王  
識得君心素誰貪玉滿堂

八月十五夜客思

尚有錢塘夢  
秋期看海潮  
露繁今夕冷  
月白客思遙  
天上發丹桂  
鄰家吹玉簫  
從來不寂寞  
三徑竹脩脩

又說

清光又說此宵圓  
鯤鳥索居年復年  
矯首不知秋是客  
星辰歷歷故鄉天

月色

蕭齋夜起倚秋柯  
月色可庭流素波  
萬水人間俱不似  
祇應天上問銀河

俊逸灑脫  
謫仙家傳

巴人

西園東壁久封塵  
羯鼓胡笳唱絳唇  
莫再郢都悲宋玉  
天涯無處不巴人

義女祠二首

杜天水妻為香溪易貨作質捐生

片言番漢釋猜疑  
除却魯連何有師  
每作男裝難自貶  
幾

分肝膽避鬚眉

義女好看男裝

昏夜歧途敗我盟  
當仁一笑慨捐生  
莫言吳鳳無雙士  
日月分光各自明

讀詩話數有薄太白者二首

兩首皆  
意新法妙

李白文章灼古今  
少陵詩聖獨知音  
狂生肉眼如枯井

盡塵沙不見金

撼樹蚍蜉曾挹樹  
始堪將力論高低  
從無蚯蚓知翔鶴  
一在雲霄一在泥

答人問詩境口號二首

春山如笑笑遊人  
萬紫千紅莫認春  
未到會心超象外  
但

能知貌不知神

理入禪境如詩境如是

山水當年碧有痕  
今朝萬象一無存  
突然回首重相見  
還是吾家舊里門

文比

圍廬十畝傍郊坳  
石疊峯巒草結亭  
五嶽生雲天下雨  
風人偏愛半山青

真賞

孤瑟

翠袖生寒秋已深  
西窗梧影月華臨  
空幃孤瑟共幽怨  
無語有聲誰訴心

有以寂光莊嚴問者答之

多少岐途未解人，頑空且不識偏真。  
誰能破執觀圓鏡，常寂光中現五塵。

留侯像贊

衣錦故鄉歌大風，威加四海掃羣雄。  
叔孫儀禮蕭曹政，盡

是先生一躡功。

灼見  
史記淮陰侯  
傳陳平張良  
躡蹠王受

鼠鬚

門蟋蟀者以此挑之

聞道本來天下平，羣言淆亂悞書生。  
半閑堂裏寒蛩鬧，鼠口一鬚能構兵。

別友

別去仍回顧，難逢此日閑。  
蒼葭秋水舍紅葉，夕陽山詩詠

三四晚唐佳句

羣言外酒澆知己顏重來早作計共被定遲還

九日山中踐故人約

與君曾約菊花期三載重來似舊時黃葉半山茅屋小青  
蘿滿徑客筇遲仍多九日髯蘇興高詠東籬靖節詩莫把  
茱萸愁問健道人趨避有先知

貧趣

始解貧中樂頽年尚不遲浮名一杯水微俸五羊皮捨到  
無錐地冥然見道時若非鄰里庶九粟累原思

古琴

世人多好樂吾愛陶令琴朱絃偶三歎忘味誰移心游龍

古淡似陶結  
歲不書我痛  
古天付大痛

難為用同  
亦一嘅

潛海底玄鳥鳴北林桑濮度新聲天淵各升沉真士率真  
性能遺絃上音冥際有清籟無朋何必尋非古時所尚自  
慚獨昧今良材昔焦尾碎之莫霑襟

名流說禪圖徵題予無才謝之

一氣搏我  
意到筆隨  
蘇黃大自  
在境也

一人拈花一人笑繞座不會閑吃茶突如不速來方家指  
鹿為馬龍作蛇此番笑者勝於前千二百衆俱仰天如來  
菩薩皆默然教外有別非心顛誰為此圖闕姓字輾轉似  
省畫師意聖默賢笑愚狂醉語酬機鋒豈敢戲投筆收圖  
還與君是不可說難為記

訪僧偶話

與世浮沉叟未能宴居揮麈起扶藤臨臬笑看冲天鶴出  
郭閑尋退院僧卻指微軀誇老壯諄言王者代常興道消  
道長由來久志士何傷自在弘

憶詩人偶然得句

柴扉深閉獨徘徊每憶聯吟踏綠苔如此良宵人去後未  
曾思處句飛來牆東沉霧升明月檻外侵寒放瘦梅題壁  
龍紗時一誦難將工力鬪天才

雪

不讓天孫巧滕仙術更奇圓裁萬匹練細刻六莖絲柳絮  
平敷地梨花密著枝鄉梅應有訊驛使莫遲遲

中四二細集  
中少見匹練  
待酌

三四飄逸俊與  
工力雖敵天才  
詩古今詩文  
集深有此感  
誦辭自寓  
理



詠物三首

白牡丹

天下名園訪洛陽，彩霞叢裏白雲裳。  
瑤臺羣玉莊嚴界，無限春風拱素王。

意境甚超  
足以自喻

紫菊

籬畔曉晴舒紫鉤，別饒佳色自風流。  
從知霜露江天裏，不是黃華獨占秋。

命之新  
寄託遠

方竹 山東登州所產堅勁可作杖

蓬萊島上拂雲天，妙造廉隅節自然。  
君子扶人惟直道，何傷形外未能圓。

亦自喻也說理  
而不落理障

貧有至樂老始悟之放歌以述

前幅朴老  
中用開筆  
雄闊末饒  
風韻筆法  
多定大家  
氣格

茅菴矮小如漁船四壁虛白心悠然出門縱橫蹈八域舉  
袖峻極捫青天疏交早絕梁君子有客半似吾鄉賢黔婁  
高行卻徵聘陋巷屢空顏子淵原思武訓喜多事為政為  
學難為錢損增吾驕益減吝羞語庫財宰官印藜藿盈郊  
飽有餘掬飲沐浴川清濬鳥蟲花木亦良朋期約歲時各  
守信其中至樂雖欲言俗子蠢夫爭耳順君不見阿房宮  
焦土一炬三月紅又不見金谷園墜樓棄市鬼煩寃躊躇  
茅菴穩如山車馬無喧阗陌閉青鞋布襪皂角帽潛龍勿  
用堪述刪朝看宿雲懶出岫日夕倦飛鴉雀還蓬島何曾

在天上武陵縹緲非人間時風言必稱富貴莞爾退避安  
癡頑

年俗送窮

學古送窮神窮神戀故人出門笑復入老若情更親疇昔  
懷富友論文翻覆頻偶過歌車馬看時作欠伸投轄留不  
住分離絕音塵窮富稟何異長歎驚比鄰盤飧兼炭米慰  
我除夕貧令詞委之去欲卻難啟唇深慚欠修養妄作招  
紛綸送窮品斯濫不固君子賸

乙卯寅正四日初晴日麗風和西顧口占

宿雨午晴天氣新日華鋪地暖無塵玉闕若待東風度禹

旬早迎蓬島春

讀崔顥詩

惜知者之難  
遇也及年愈  
深

蔓草荒烟鸚鵡洲  
晴川日夜向東流  
崔詩未入青蓮眼  
世上空餘黃鶴樓

時名

反正對照格  
意顯坑澤  
妙在自然

身沒名始起猶如種松柏  
千載生龍鱗摩霄展雲翮  
其初本無心後漸為人  
惜今多務時名矯揉行乖僻  
炊飯但煮沙手非不可爨  
觀川向東流無處留踪跡

良夜懷人

偃仰一弦月沉沉聞遠鐘  
忽焉思故人欲往恐難逢  
何不

結廬高妙  
學訪戴無舟未能從  
跼踖依籬落展轉詩興濃  
孤吟怨良  
夜三徑黃葉封涼風何處來  
浙浙下高松

莫逆

題寺莫奇 莫逆九霄月相交  
八十年顛沛與造次從來都結緣  
卅角括敘一坐格  
奇如荆汶四語夏感運佳  
隨我讀婚媒紅線牽飛觴醉桃李  
孤客伴牀前關山逐馬仿佛玉齡歲  
去赤壁同載船今來東海隅  
昔往峨眉巔為官未分祿  
烽偷也錢章法  
則格尤高未審官否  
火不棄捐料應物化後  
荒塚照長眠獨慚虧友道  
無補君

缺圓管仲縱知禮終輸鮑牙賢

新春病起

老去詩篇渾漫興  
心似隨人老春來不種花  
近窗有松竹遠市避龍蛇  
病後

禪能悟詩荒債更賒扶筇小園步草木各抽芽

乙卯清明舉世混亂誌慨

桃花露重柳煙輕祭掃人歸帶晚晴悵望五洲春不似獨

住字佳

留臺島住清明

濁水溪土諺水清則時有變

每以友去見

精奇海字易  
誤字何如

不管廉泉與盜泉自將渾濁度年年有特明月澄清印地

作滄波海作田

乙卯中國元首升遐適美利堅開國二百年紀念

此恨難消到九泉斯文不信喪青天新州紈袴知何事悞  
我蒼生三十年

華嚴山清德寺望火燄山山九十九峯

華嚴山擁古禪林下視雲間萬壑深遠峭嶙峋排火燄百  
峰橫側各晴陰烏溪分野皆遙拱旭日層巔獨照臨法界  
清涼仍有相樹風時作磬鐘音

烏溪字河名旭日喻華嚴

世道八首

掌中戲者

國際盟約今為大國欺弱邦之術本要信義終無所獲也

憐爾傀儡捉弄人恩仇偽作語如真微移肘腕稱三舍私  
淑優伶序五倫直到聲嘶餘短燭從無局小坐高賓夜闌  
鑼鼓收場後兩手空空一欠伸

獵人鷹犬

是亞墨國互相利用戕賊蒼生其巧拙亦似獵人鷹犬之別

八首題相親部  
意即此世道  
為題而賦各小  
題及注義於每  
首之下為自注  
式可互亦酌  
貼切不務  
此首亦應有  
自注以期一致

頤縣切高  
朗信語從而  
步原八省中在  
列第三

天視黎元狐兔同獵人鷹犬似羣雄徒悲追殺爪牙利不  
省發蹤心計工聞祝誰開湯氏網驚弦猶落養家弓北宸  
獨有瓊筵客擊鞞帶西來述國風

國聯尼氏撤禮運碑

誅其心也尼氏後以刑案羅免猶藉前資  
作偽

歃血崇朝口未乾夕除禮運毀盟壇曾聞忠信行蠻貊竟

假王司碗致

攬縱橫步異端華胄終存人骨氣假王收拾戲衣冠逋逃  
不悔稱牛耳蔽面夫差今已難

日相聯共與華絕交

兩田中乃田中義一與田中角榮也

頤縣切高  
朗信語從而  
步原八省中在  
列第三

未聞微幸可承家兩有田中兩相麻政不保黎貪宰世恩  
忘肉骨助分瓜史留輕薄辱人國朝退老成緘口牙賤視



天皇基一統任教孤注擲泥沙

明季援越軍費竟遭國會杜駁

中四北去興  
象調朗格高  
八首之亞也

闖獻狼烽禍已深弄權貂寺更貪金江河欲竭流民淚灰  
燼難溫戰士心悞國書生猶左袒窺邊胡馬正南侵明亡  
薄責思宗罪賴有煤山恕到今

援越援越之軍有勝不許進攻之約

頷聯沈痛  
頸聯工切

大國援軍勢出奇微機神鬼似難知兩三人掘羣生墓二  
十年輸一局碁強敵堪容斲卧榻捷書不許越雷池降旗  
如雪飄西貢跽跛宋襄仁義師

巴黎和約吳人李辛吉此策東

一氣搏梳  
風神未限  
八首之冠也

商於六里弔懷王又見巴黎戲一場遊說從新生季子招  
魂依舊是南方盟壇今古終無賴險塞憑陵在自強興替  
全由人醒醉離騷讀罷望沅湘

追思

太學指我國學府陳廟等人

徐蚌追思一戰顏賊人心死早堪哀僉士太學煽訛語二  
頸戰後與豎白宮潛禍胎禹甸洪流淹歲月胡天淫雨暗樓臺斯文  
不信久凋喪明日會看舟楫來

回憶日人入寇避渝山居六首

六徒境真詩  
杖柴扉看遠山  
芳草堦堦新雨後桃花籬落夕陽間茶烟已歇無人到倚

梔子初肥曉露濃  
烏啼深澗絕樵踪  
折枝歸去佛前坐也  
似沉檀沁入胸

杜鵑聲裏杜鵑花  
帆掛輕烟江路斜  
孤客開窗看到晚  
曾無一日不思家

豆花一盂佐朝餐  
肉食老饕知味難  
椒目薑芽雖慣見  
終如度歲列辛盤

食豆花必備薑椒諸辛

緣至荒山說梵經  
難能五十衆常聽  
同心更有金陵約  
不昧前因聚一庭

山中夜半衆歡呼  
驚起方知已滅胡  
憐我生平初快意  
絕勝南面坐皇都

象蛙督井 亦識盟國不能盡忠信援越事

象蛙聚督井閣閣議天空深山猛虎穴大海蒼龍宮爾輩  
俱未見傲然自稱雄世上秦漢易何曾動其衷縱使跳井  
外不能辨西東草地小兒戲厥維鼓吹功獨有晉惠帝降  
心問私公可憐其祚短辜負嵇侍中

妄作

章句似杜  
境亦大對

夢裏偏多事醒來無一言林間煮茶坐抱膝當晴暄片雲  
隨流水羣蝶穿花繁靜者意自適忙者不憚煩我心兩不  
即境妄探真源奇哉鹿為馬君子偏化猿不復人乘鶴忽  
焉鶴乘軒誰醒誰為夢顛倒羊觸藩古今天下士難與辯

風旛

答入山意

領聯秀逸  
結奇警

投筆為何事碧山深處藏  
識時慚杜宇掃地賤文章  
吟鳥穿雲過飛花入澗香  
此間物靈秀先我有詩腸

觀碁

得錯不二  
好入禪機

應著人間諫子碁平衡結局最相宜  
從無君子求全勝得意當時是錯時

陪友賞春村店沽酒

似放前

前村風裏插青帘芳草天桃繞曲潭  
斜日依山車止轂濃香滿院酒開壘  
罍邊雛女言能唱座上王孫醉已酣  
明月

照人歸去晚春城燈火隱煙嵐

默坐

生希李廣名  
飛將死氣劉  
伶勝醉侯生  
不入山隨李廣  
死當穿塚在要  
誰領抹足與車  
思以卑府進酒  
癡甚之詳相泥  
視放翁皆用人  
名列尚妙詩

檀鑪趺坐靜乾坤六紀兵戈白髮存生不逢時徒進酒死  
如得所莫招魂匡牀無語花仍落大澤多蛇象可吞世慮  
禪心能自印冷灰還有一分溫

赴山中陪宴

嶺駭碼是山  
中柱詩法也

絃管久無興山亭筵偶陪雲依斜徑斷花逐晚春開更進

一樽去難逢今日來塵中有奇士交臂莫相猜

愁惘然

蒼莽科詩劫  
抑塞磊磊落

愁惘然賦詩不求唱于喁自記身世悲遭逢黃巾赤眉蕭

牆禍夷狄羌胡誰可宗  
西風冷雨入秋夜東壁斷續鳴寒  
蛩史家直筆爭直見應攬千首參龍鍾  
九十年華六十載  
滄桑容易六度改四方溝壑志不挫性滅道喪傷真宰今  
時聖人不前知澮水終涸難立待酒不澆愁筆作刀持將  
胸中割磊塊或笑腐或譏狂腐者見腐狂見狂少陵喜狂  
詩句好空羨襄陽向洛陽地有老天有荒埋筆硯焚辭章  
日出日入隨牛羊願無心肝亦無腸

端午

天不由人改榴開五月花  
天懸端午日榴奪赤城霞  
禹甸時行夏王師海有槎  
貞堅自多士歸去吊懷沙

客來

淡雅  
從未作將相客來窮巷多無疑休問字有酒且高歌竹徑  
連山色松窗俯澗阿林泉胡不樂國政有蕭何

蠶繭

說理可詠歎  
出之甚佳  
已飽東西陌上桑經綸滿腹正堪傷癡心只為兒孫計幾  
箇成蛾免鑊湯

煮茶留客

凍嶺烏龍茶台省名產

逢君同好煮新茶久蓄清明凍嶺芽夏日正長宜細品兩  
階榕樹影初斜

登游生四樓平臺晚眺



中二聯遠近迴  
深清景交傷  
對法亦步隨  
急揮灑神似  
劍而

落日高臺望遠山，  
明霞幾縷共心閒。  
低垂無際天如海，  
久隱應知約有斑。  
眾鳥歸巢依院樹，  
孤蓬止處是鄉關。  
何辭後會中秋月，  
勞爾茶瓜扶再攀。

特異感同自遣

陰韻工穩自然  
最見功力

書空呵壁歲時淹，  
每厭霜莖鏡裏添。  
天弔中原無石虎，  
士能高節有陶潛。  
遙聞戰伐常憂國，  
閒愛邱山偶捲簾。  
興替雖知人力定，  
龍駒至老困車鹽。

狂夫

林老似杜夔州  
漫作

惆悵老年道益孤，  
違時反省是狂夫。  
不看潭上桃千樹，  
只愛窗前松一株。  
未有客來茶自飲，  
何曾錢少手常枯。  
仰天

俯地雖啼笑倏忽之間心已無

王子哲赴美設醫院寄贈

一塵傳經三世香  
成蹊桃李出門牆  
到君兼得仁中術  
着手纔知醫有王  
南極不惟人益壽  
東來更為國生光  
杏林橘井芳時景  
多借魚書寄故鄉

宵夢初回

驅我長征五十年  
歸來恍惚暮雲天  
老親幼子顏如舊  
剩水殘山境異前  
屢變滄桑忘住壞  
久經離亂重團圓  
悲歡交錯回宵夢  
頓悟何時不是眠

寄意

以戰前自奇宏法華顛馳駿馬陷陣似無人恐負胸中志長忘病後身皚皚

千嶂雪暗暗四方塵慧劍清天下高眠日向晨

掘塚

既掘橋山塚自非黃帝孫何先薄閻獻未許宰乾坤盜有  
宗親厚胡開怨恨門東周為正統異種漫思存

遊日月潭玄奘寺

似賈闍仙潭深棲日月塔峻出杉松落地河幾許浮槎天九重林邊  
喜登岸雲頂坐聽鐘莫作塵寰想高僧在鷲峯

索忍尼辛著論警告美國主道德高於法律盡揭國  
際陰謀越亡拒與美國總統會晤二首

頌朕奇語

蘇俄何有士卓立世無雙  
智眼冰生水仁聲血滿腔  
昔秦惟用詐六國自投降  
不作白宮客高懷哀越邦

萬國淑秦儀君能向孔師  
天心原一貫至道不多歧  
德法失本末人禽殊骨皮  
今非蛙閣閣幾箇問官私

國劇臉譜二首

高筆妙  
詩亡安得春秋在不道伶人有別傳  
粉墨縱橫三數筆留

芳遺臭到何年

華袞登臺未足榮  
吉凶面目肺肝情  
龍門以後書難信  
捨此絃歌誰正名

游夏

詞諧去痛

游夏茫茫事已訛提琴羯鼓作絃歌淵無蚪蚪天無雁不  
道方巾比鯽多

聞鐘

境起去處自  
道所得也

九十纔知百不能觀心非水亦非冰晚鐘來自何山寺露  
白雲停有定僧

倦遊

翻深一境去  
微而顯唐人  
五佳法也

柳岸釣釣沉倦遊行不吟興非租吏減簑笠有機心

中國文化

能道得中國  
文化出

聖言無盡藏能讀幾駱駝每聞新文境前人說已多

上弦月

陽去稍剛

清輝雖有減自力會重圓莫信依他事媧皇未補天

海涯中秋對月致歎

查休情深  
感唐松詞

月自東溟出我從西陸來今宵過歷下誰舉主人杯

蟹

水清匪色腹  
蟻黑秋老難  
逃一片紅不及  
此之含蕊

橫行惟有爾擁劍足稱雄把臂酒家去一杯談笑中

乙卯中秋對月

開園十五夜

我家月中秋皎皎掛霄漢烟塵苦未息安得歸去看他家

各有主君子從不濫賜曾却道梨餓豈因熟爨疑在故鄉  
天倒飛東海岸同深萬里情來照孤客館杖藜陟高岡躩  
蹠吟澤畔歡由悲中生相對惜達旦

菊

菊花稱隱者品豈在東籬看即登高訪夕陽朝露時

孤霞

林皋蕭瑟雨初晴  
斂盡歸雲日已傾  
萬綠叢中紅一點  
孤霞飛上暮天明

三句借宋人原句

我好

一氣旋折  
籬菊塘蓮韻出羣  
書癡錢癖亦紛紛  
有人多事來相問  
我好晴空覽白雲

清室如話

偶然

定功悟境  
九十春秋者偶然  
無有心來朝與昨日  
非古亦非今

九日雜詠七首

七首各有意  
左故韻味深  
厚

霜露滿庭菊半畦  
蕭蕭落木短牆西  
禪心似在秋聲外  
日出林間獨杖藜

老逢重九懶題糕  
慚愧霜華在鬢毛  
插菊開軒對山坐  
看人攜酒去登高

一株黃葉小庭秋  
忽憶清河北郭流  
夾岸飄飄飛斷柳  
西風吹滿蓼花洲

清河又曰大清河即濟城北之古濟水也

每逢佳節輒吟詩  
多是煙塵苦別辭  
六十餘年得天厚  
曾叨兩度故園時

新亭西望幾躊躇  
踏踏竹葉莫囊定  
不如尚有多少山  
河淚問



誰今日著鞭初

陽字單物可  
否改照

秋風猶自憶鱸尊喜照清潭面未皺小浦蘆花夕陽裏紅

如乙作白頭人  
本是紅顏則

顏原是白頭人

李語矣

重陽月色一弦清襟袖風涼樹不鳴霄漢四時今夕碧秋

神猶在近初更

九日故人贈菊留飲二首

故人遙住水西涯專為重陽贈菊花少坐待童沽美酒傾  
囊足醉不須賒

逐興新詩為爾歌盡歡不必舞婆娑近來誰會陶潛意日  
夕看山飛鳥多

題佳仁謝詩

林下秋深

似杜  
則一氣  
旋折

繞屋凜寒露林疏新爽明  
鳥巢依樹舊山翠入窗晴  
老去荒經史幽居少送迎  
臨皋一長嘯萬壑度秋聲

落日

情韻深至  
寒陽屋上明天色晚潭清已掃片雲盡  
猶搖修竹鳴老知

孤客味遠念故人情好待今宵月來親舊友生

偶輯詩稿有慨

雄渾跌宕  
忌倫放翁  
集中七律

脂香酒氣盡消磨筆入秋風撥劍戈  
萬國青燐誰率獸半

最完美之  
作也

生幽憤獨行歌疆場故壘添新壘  
鱗羽天羅接海羅太息

當年空著畫書生今已老廉頗

杜少陵和原中丞西成壯遊詩  
出將頭顱作羊羹

蜀漢

傷時不憤而  
出之以出厚

老疲戎馬悲前烈後主宸嬉四十年  
伯約終能殲會艾譙  
周已諫守山川無將鍼坐何曾虐不惑  
蛙鳴總是賢竟許

桓守清日馬  
矣也奇

桓靈新受命百齡慚我未知天

劍

文由官爵顯名亦後來傳處士誰徼幸  
惟聞孟浩然青霜  
今不識白屋久空懸混沌終須判持之  
去闔天

獨厚

雲鳥交能久琴書樂不疲高歌心自賞  
真意物皆知戎狄

真辛

相虞詐乾坤正鼓鞞叨天獨我厚何日  
大同時

古琴

古調自彈還自聞  
偶逢相識也欣欣  
惟今欲達人間住  
搗向深山友白雲

悠悠去遠

仲冬望夜看月當頭

仲冬月及望獨立看青霄  
當頭懸玉鏡廓落何寂寥  
低頭失我影累去更逍遙  
豈無一樽酒舉手難相邀  
人多愛中秋未識今夜好  
悠悠極高明斯之謂天寶  
百川映瑠璃拱曜垂瑪瑙  
三百六十夜都堪拂袖掃  
得時暫欣然亦不取懷抱

虛室

短為恨以反志  
開園見奇

歸來猶念送君行  
滅燭垂帷虛室明  
前倚疏窗不看月  
今宵忽為月牽情

國際混沌近三十年又逢冬至誌感

至日長何許寒凝二紀餘  
葭灰殊寂寞斗柄故趨超天地  
愷昌運衣冠望不如  
終須春萬國正月布麟書

不輸

意痛格  
請西風錢  
之句覺與  
山家散酒  
深夜後更  
紅燭上自  
同一慨然

鬢已飛霜心已冰  
忽聞詩道近重興  
西風殘照出門去  
時彥不輸唐薛能  
李杜之詩諸高之政能皆蔑視

堅冰

人情幻奇雲我克  
心止水十載成堅冰  
狂風吹不起

歸雲

日出春郊潤風輕夜雨微歸雲留不住懶再化龍飛

花意

濯露烘新日含苞玉井間無情知灌溉為我破紅顏

作嫁

為他作嫁十餘年多少酸辛只仰天紅燭綠窗深夜後不知時有未曾眠

觀徐石上教授畫展

萊陽高士徐石上樂道誨人老絳帳少年曾作燕京遊畫苑羣賢互酬唱悲鴻之馬能行空白石花蟲筆恣放江南

遙淑昌碩翁胎息其法境獨創一羽翱翔遍空間萬花齊  
飛天地閑無風無水衣帶動聚點却異襄陽山胸竹身馬  
固玄妙未若畫神形迹刪靜觀着墨意如是頓覺換骨醒  
癡頑憶昔鄉賢高南阜同州菊如兩奇叟金農黃慎維揚  
怪聯袂退避俱低首後來興起果何人石上石上吾良友  
海岱間氣萬古新悲鴻等輩歸瓦缶更聞好吟夜眠遲繪  
事無乃深得資可羣可游道一貫輞川居士能如斯竊嘗  
習此搨毛皮不慚大言放厥辭嗚呼君不聞徐公之美鄒  
忌知况遇復興文化時

海上送友

碧海連天末，征帆淡欲無。  
疑從玄水府，泛上大羅都。  
尺素愁何寄，高歌興已孤。  
羨君總勝我，回首憶蓬壺。

鳴

羯鼓胡笳日月新，賡揚羣怨憶前塵。  
誰從辛亥采風雅，六十年間鳴一人。

循溪看桃花遣懷

滿郭桃花滿郭春，落英芳草碧溪濤。  
難逢舊雨同三徑，留住東風看十旬。  
恨有好詩虛醉月，空懸寶劍待知人。  
洞天雲靄無時盡，何處武陵迂問津。

六朝夢

清末民初洪憲復辟北伐易幟東遷



柳絮盈顛不是春，羞將霧眼對花辰。  
天時國步如流水，夢裏六朝醒後人。

鄉村訪友

籬外花無主，窗前竹有苞。  
晤言饒野趣，具酒雜山肴。  
去凝烟路，鴉啼落日巢。  
歸來回首憶，巖穴見真交。

負心歎

有美西海來，百年餉東道。  
佳麗慣放恣，輒投狡童抱。  
扶桑存亡際，報怨施再造。  
翻然忍乘危，助虐推我倒。  
麒麟罹網羅，梟獍荷天保。  
叩閭何所之，呵壁徒憂惱。  
鴻儒不決疑，掉臂徵佛老。  
負心若盡除，世上積荒草。

朋蠹

采薇采薇首陽山有客有客金谷園由來如是奚足言顧  
盼一笑開北軒書有蠹琴無絃聞道脈望腹筍萬奏成神  
仙奎光四壁照飽學良朋百與千莫教三徑遊曲士使我  
不得心悠然閑來抽柱叩琴歌我錦囊句知我者高軒未  
若良朋賢

讀魏公子傳

平生好廣交天下幾知友冠蓋罕疏放鄙夫逐杯酒文人  
習輕浮血性多不有嘗觀信陵傳豪氣冲牛斗澆風自西  
來正義從柑口龍門古良史感憤牛馬走大書揚屠沽及

與抱關叟三復益心傾  
吾同若攜手

蘇季子

落泊無憑藉蕭然一布衫  
竟能封虎豹不得出崑函  
天下原多佞朝中各有讒  
君才終未達笑煞五湖帆

孺子

一曲滄浪水如何用作殊  
羣流自涇渭獨見到賢愚  
足趾濁容近冠纓清可濡  
我思聞古道孺子有良圖

浣紗女子漂母

韓信無雙士伍員天下豪  
釣竿淮水上亡命楚江臯  
絕處思多助何人拔一毛  
仁心與巨眼惟有浣紗曹

陳子昂

已知人不識感慨擲千金幾箇能高詠徒然碎此琴魯齊  
風百變天地籟多音我擊尼山磬無朋自賞心

李謫仙

充塞浩然氣時無逢不逢人間漫欲殺天上幾曾容見說  
騎鯨去遐思跨鶴從三山近臺島眺屬問仙蹤

鬼谷

盜泉曾不飲鬼谷豈堪師殃禍原韓子鳳麟嗟仲尼縱橫  
六社稷水火一臯比神鬱遊何處來蘇已後時

金谷

縱橫消盡後水  
大國孫龐皆為  
其質

天下窮奢處石家金谷園蠟薪庖有淚錦帳野無暄樓閣  
朝雲鏡笙絃夜月樽千秋多過客獨吊綠珠魂

人生

人生任長短世事多苦艱唐虞久湮滅寰海恣羣姦我憂  
何以解放去心自閑行樂豈惟酒一歌散襟顏願為信天  
翁私省非癡頑尼山今復起應不重迷刪

玄都觀懷古二首

搔首劉郎憶往年春殘滿地賸榆錢詢名猶是玄都觀道  
士桃花兩杳然

菜花黃蝶自春光也賴知時老圃忙偏是深閨羅扇女東

西撲打走輕狂

柳川閑眺

沿溪疊閣掛飛湍  
步上長橋拄杖看  
誤愛垂楊多旖旎  
東山月出被遮攔

唐玄宗

開元天寶舊宮廷  
仙掌猶承北斗星  
歸馬雲屯南內夜  
何如棧道雨淋鈴

讀王叟詩

讀子詩無老病窮  
輕裘肥馬自然工  
神來一語破空去  
龍搏雲雷虎嘯風

動物園

此園非靈囿腥羶溢四隅鷹鳥方飽肉豺虎各當途映日  
舞蛟妾臨風鳴蟋蟀鳳麟終不見感慨德恆孤

植物園

拂面芬芳氣橫胸錦繡堆芝蘭三徑秀桃李萬株開蒲葉  
拜修竹海棠依瘦梅無情聚色相何處有如來

客去

悵悵斜陽別柳川遲歸獨坐小窗前詩人一去無良夜好  
月猶來掛碧天山色蒼蒼思遠籟芸香隱隱隔秋烟此行  
何處逢知己共賞奇文濁酒邊

兵戈流離五十餘年處患難而心不能無愠故為文辭多怨尤雖知而不改難矣哉

文字無盡藏怨尤無盡業風雅有匡變永傷從不洽太清  
納衆垢坦蕩何喋喋拂逆尋常事介胸器乃狹道遙海上  
鷗鳴噪野塘鴨我思斬鈍根慧劍欲出匣應自為秦火辭  
源斷三峽

西顧

落日照東牆一蟬鳴高樹讀罷出北軒涼階獨散步竹外  
歇鑪煙石牀列茶具故園六十年猶向心中住四方走天  
涯盡是烽火路幾番夢時清歸去掃林墓匹夫義首邱惻



惻常西顧

夏日水村訪友

茅茨雙柳下小坐得清涼  
葵艷中天日人居野水鄉  
款留雲止樹一笑燕歸梁  
起別還携手門前悵夕陽

又歸來

莫笑生平百不如沙中曾學擊秦車  
千金散去無身世一領歸來有草廬  
舉袖欲遮今日雨求師還讀古人書  
江山間氣浩然在難信文章驅鱷魚

醉鄉修羅界無酒好鬪

酒客何憂死黃泉有大春  
劉伶埋不住紀叟店為鄰  
欲避

修羅界復悲湘水濱  
醉鄉隨處是萬苦作醒人

孤月

孤月穿雲出嵌空  
輪影寒象高  
人物小心嚮羽毛  
難君子  
隔秋水草蟲鳴藥欄  
宵深凜白露花上滾珠團

除隘

世原無盛末人自有蛇龍  
揖讓唐虞際也曾官四凶乾坤  
惟化育雨雪宰春冬我欲除心隘  
今來懺晚鐘

孟秋朏夕

聞說七夕近誰家人未歸  
關情屬巢鵲蓄力架橋飛  
宵漢更籌永神州鼓角違  
從知賊終滅幸莫故園非

秋葵

淡於籬菊薄於羅更覺飄然風韻多幾許  
秋花脫香艷金仙來化病維摩

送友渡洋接春

出門萬叢山君去何日還山雖增離恨亦可遮愁顏  
倚窗思遠道不度函谷關日月過隙駒梅花早臺灣歸時雙飛翼  
仙侶語綿蠻天光接海色把臂青雲間

丙辰閏八月十五玩月二首

前夕不如今夕涼素娥環珮定新妝  
湛湛露下開天鏡依舊廣寒飄桂香

惟願吳剛勤斧修清光每夜正當頭人間久畏蒸煩熱二  
十七年天續秋

盜跖

盜跖亡無地妖姬半死生歐風終不競鄉月至今朋父老  
懸誰解豺狼穴未平應憐四夷怨吊伐自西征

城市閑居雜詠二十二首

隨處生佳興花迎好友開嚶鳴庭樹鳥應是遠山來  
喜愠非貪位無私只為官朱黃爭僭號誰起問長安  
門前何所有水木萬青山無福未曾賞今朝纔得閑  
君向山中住書城是我家君來檢經史我去話桑麻

萬國皆煩熱，獨來清暑遊。  
九天無限好，不是故山邱。  
曲岸圍山郭，樓臺向不同。  
家家門外水，隨地任西東。  
燈火高樓遠，笙歌似有無。  
後庭花不唱，依舊是陳都。  
雲山回首憶，萬象盡書城。  
頓覺蓬萊小，超超老眼明。  
百粵搖羅扇，燕山大雪飛。  
勞君問時序，寒暑一朝違。  
霓虹新梵剎，側院菜花畦。  
賞罷歸窮巷，鄰家唱午雞。  
杳杳人何處，離離草滿階。  
露寒秋夜永，殘月照空齋。  
昨夜下白露，朝來微有涼。  
檐前啼鳥散，紅日出東牆。  
翎刀入秋水，秋水是翎刀。  
剛柔一色冷，六月欲添袍。  
名士何必酒，高僧亦好詩。  
相思路不遠，來往月明時。

同里毘盧寺鐘聲枕上聞相聞不相見隔斷萬重雲  
隱約烟含樹長街燦曉燈鐘聲何處響早起寺中僧  
雷雨衝西陸蕭蕭風滿林南樓一弦月新爽入秋襟  
雲霧難醒眼廬山失舊痕攢眉我今去反畏酒盈樽  
孤客多良友時花滿小庭熾然香色語人自不通靈  
已解菜根味隨緣薑與椒夢中猶食肉物我未全消  
塵境心如水終南徑滿蘿清風與明月山市一般多  
性是四禪天心惟八福田飢來飽餐後倚枕去高眠

丙辰重陽二首

庭柯瑟瑟曉風涼雲捲天高似降霜多少鄰家具糕酒何

時故國有重陽

歷下南山憶舊登松間藉草醉詩朋  
如逢尺素來相問野眺孤吟一杖藤

重陽後五日登高

秋霽天氣新忽思登高去良晨  
運佳興策杖南郭路重陽跡雖陳  
行我欣所遇或為躡白雲或撫孤  
松樹聞籟發清音酌泉勿須酤憑  
眺任邱壑徘徊無定處天地大錦  
囊萬殊妙詩句應以靜心通漫勞  
韻自賦興盡詠而歸亦不待山暮

憂樂

忘妻未足訕俯仰我何有憂樂無所依安須一斗酒少陵  
散千愁太白愁更愁二公詩萬古懷抱不同流僮夫異於  
是興念風馬牛中年絕杜康老漸息空想嘗聞寄歸言究  
屬誰來往今觀無住心雲水俱蕩蕩

### 晨興

晨興盥漱罷禮佛焚名香村鐘歇清越簷鳥啼旭陽啟扉  
納爽氣庭綠滋幽芳引水升烟火朝飢自炊糧右手持箸  
餐左手開縹緗欣然有所得投箸眉飛揚剝啄來遠客拋  
書理壺觴習聞聞方靜不道閒更忙

### 時風



袖破髭鬚短鄉關且未聞容璣通四國蹴踘上重雲花序  
春常在松高鶴不羣時風有專尚魯壁暫藏文

訓仁上人重赴美州見贈二首

歸來還荷舊時藤故國招提一炷燈化跡當前人不識空  
留香辦待高僧

大法西傳項放光歷天初日是東方只應先覺舒金臂去  
作花旗彼岸航

月夜聞笛

明月照高樓笛聲隔秋水清商樹杪間幽怨西風裏龍吟  
斷還續雲去行復止曲終月在天餘響猶盈耳微之乃高

賢少解吾亦喜凭欄眺城隅何處有桓子

晨風

霜天淨萬里蔓草黃且枯不獵何以祭陌阡走鳴狐晨風  
未羈絆斂翮非良圖搏風任搏擊鬱鬱胡為乎嘗聞厦將  
傾每賴游俠扶慷慨紆急難不慚竊軍符野清才已展德  
立鄰不孤還應識進退鑑狗烹庖厨此間頗局促鷺嶺有  
歸途

辛亥續鈔上終



雪廬詩集

稷下李豔炳南著

辛亥續鈔中

昧爽車站送友

閉階月西墜零露沾我衣出門望前路燈火離亭輝故人  
霧中來嘯嘒情依依笛鳴車不待矯手隔窗揮拖烟繞山  
去旭日開錦霏寸心逐天末踽踽忘旋歸

山中訪友

策杖步松徑丘中有鳴琴之子多逸興早無世名心茅茨  
兩三間佇聽流水音曲終叩扉入驚喜知交臨開牖指巖

壑檢書話古今茶瓜出供客濁酒壺自斟殷勤勸小住言  
卜遷高岑重來盤烏道靄靄雲更深

大寒節偶感時有以陰謀陷害見告者

天時人事莫相猜無不隨緣笑口開經過大寒春始至何  
妨橫逆似山來

夷狄春秋

原非太上已無情夷狄春秋寄此生舉世皆醒我獨醉從  
來朱碧不分明

斷癡

美酒輕紈值萬金抽刀斷水更癡心卓然識得魚鳶樂天

自高寬淵自深

快車中遠眺

龍蛇起陸挾風雷  
遠樹如屏近忽開  
穩坐不知天地轉  
衆山相對拱車來

瑤池桃花

美人女權運動會開我禮運感有作也

一樹胭脂隔岸紅  
桃花無賴笑東風  
瑤池倚慣西王母  
不識尼山萬丈桐

美總統尼克森日相田中各被賄案鞠訊

宦海東西合渭流  
邦家穢史為君修  
青天白日光無量  
昨照衣冠今照囚

逍遙

覺後纔知夢裏遊  
高吟萬事付東流  
白雲來去花開落  
物自逍遙人自愁

清夜遠思

孤月疏桐望碧霄  
蟲聲隱約小欄橋  
海涯今夜知何似  
夢入蓬山亦寂寥

歧途

滿目蕭條心未灰  
絕裾端為上書來  
歧途半是楊朱國  
只愛微躬不愛才

月魄

廣寒深養晦萬古蓄清光  
西塞河初影中天地半霜似慳  
分朔望守默任滄桑  
願斧斫陰蔽人皆遊桂鄉

無補

言語妙天下軒車鳴佩鑿  
烟塵誰去掃左右面相觀  
無補重興漢何妨不識韓  
蘭臺慚有祿投筆望長安

丁巳元旦放鳥

觸藩驚不定蹈踐亂啁啾  
出手非加害開籠欲縱囚  
人心今更險利網豈堪投  
遠去棲山壑高翔莫逗留

真樂

我自真樂世人寧不知  
隨緣觀變化欲語拙言辭  
雲鳥



空中逐芳菲露下滋欣欣醒老眼還似少年時

美國大風雪斃人甚多適尼季失眾辱國及其大選

新成之際愛而有言

人間皆凜冽紐約首嚴冬但信衣冠貴不知霜雪濃日臨  
暄可愛雲蔽凍還封何以回天地東風萬物容

丁巳人日遣興  
鏤金貼帳望仙樓事喻我莊敬自強  
不詮西國口惠也

蓬萊島上覆堯天又讀詩書三十年品節當思干祿後文  
章難定蓋棺前金人貼帳誰為主王母空樓莫望仙今喜  
萬家羹七菜還應及早下幽燕

新歲閭里有擊鼓者音節可賞忽觸鄉思

漁陽慷慨鼓三搥發似新雷感歲華川水東流無晝夜烽  
臺西望有燕沙雖須誅佞王孫賈安得推賢鮑叔牙我欲  
鄉關問韶樂薰風一曲遍天涯

正月十六夜

笙歌依舊萬人歡愛上高樓獨倚欄  
矯首中天看月色今宵似減九分寒

烈火 東亞大陸係國際安危恨為盟國所賣

烈火崑岡天下同北宸丹詔論元功  
凌烟先繪榴花艦君相雙雙五尺童  
杜馬尼李四輩

新春

山態年年笑時潮滾滾翻天空無鳥跡草際有春痕蘇美  
新爭霸鄉關舊斷魂東風多苦緒惆悵嘯哀猿

三退已遠歸舊隱

義利向誰辯頽然歸舊楹芸窗書味永客枕夢痕清荒徑  
從花落柴扉有鳥鳴偶聞談往事顧盼兩肩輕

春夜看花遲歸

郊原桃李向春榮士女如雲盡出城日暮人歸花不睡誰  
知草木更多情

贈俠客

欲平恩怨劍長磨高唱堂堂正氣歌誰肯續修游俠傳今

人比古負心多

深悔

舊雨凋零枉斷腸  
琴樽深悔少年狂  
猶遜時人高格調  
廣庭談笑傲班揚

白日 中國文化人生本源喻而發之勿自暴棄

安居不夜永光明  
元氣渾淪萬物生  
自是羣星相共轉  
從無白日向西傾

看杜鵑花

今看杜鵑花未聞杜鵑聲  
顧名思蜀鳥猶記疇昔情  
朝陰滾霖霖弦月沉  
四更強收斷腸淚  
難抵夢魂驚  
客愁逐時

起鳥怨應未平天心正悔禍幸遠洛陽城

力衰

力衰不能耕只得投鋤去檐前謝主人情熱語多絮挽臂  
再慰留棄農可執御否然與司閭更許閑居處揮涕銘厚  
恩不勞難自恕仰瞻鵬圖遠永報常思慮

園有花開

園有好花開座思幽客來余雖不飲酒常具壺與杯對之  
讀漢書每至玉山顏今醒姑云醉調冰啜青梅近郭多市  
聲殷殷雜輕雷掩扉避俗韻黃鳥莫相猜

贈狂狷二首

白首狂夫志不回  
脫巾彈劍嘯蒿萊  
滔滔天下歸楊墨  
辜負人間一代才

元非廊廟羨簪纓  
得一知音氣自平  
朝遇鍾期琴夕碎  
叨天已厚不虛生

憂世

疑是天心厭勝隴  
眼倦開川流同涇渭  
畎畝蔓蒿萊  
世濁應知命  
途窮莫論才  
遣懷多不釋  
猶自爲人哀

流鶯

鳳鳥游何處  
鳴岐久不聞  
流鶯囀春樹  
過客賦停雲  
方止  
狡童彈復來  
樵子斤良禽  
終已杳  
鴨鶩噪紛紛

偶成二首

余生一向不多疑  
天命盈虛似可知  
呂望鼓刀春自去  
無心釣渭白頭時

清風明月且高歌  
無地立錐奈我何  
莫羨蕭然一樽酒  
淵明罍醉鄉多

宅近柳川寒食遣興

南溟寒食柳如烟  
中貫清流闢綫天  
蕩蕩含風雲為過  
陰蔽日容思遷朱  
門多興催新火  
皂帽澄心印冷泉  
莫道違時知已少  
嚶鳴黃鳥在檐前

觀水月

月無不照江江有不印月流水變桑田皓輪無圓闕水月  
兩無情月不長來明逝者挽不住空餘激湍聲念之興長  
歎走向敬亭看宛如素心人藹藹俯霄漢此山青不渝雲  
鳥各飛散

清夜詠

濟城西隅尚志書院金綫泉在焉亦名金泉積舍

天青月華新亭午微雨過閑階洗輕塵抱膝花間坐緬焉  
思所親名士金泉舍客裏雖藏酒清風滿四座亦非往還  
稀文獻久揚簸幽懷湧濤瀾抑塞未能瀉脫巾起徘徊無  
以消清夜松竹韻泠然寂寥衝不破滅燭復披衣今宵難  
成卧欲凌到廣寒倚桂讀陶謝



偕友訪僧並享午齋

大乘無事不相諧  
元亮廬山任放懷  
也有詩人偏斷酒  
露葵摩詰喜清齋

覓句

地濶天寬各九重  
茫茫何處覓行蹤  
縱應知有相分明  
遠若到忘機自在逢  
沙塞春深纔落雁  
寒山夜半不鳴鐘  
豁然如澹泉源水  
一畫十言集筆鋒

清夜醒後

客齋春去夜猶長  
未覺拋書入睡鄉  
夢裏吟詩醒後誦  
半窗殘月四更涼

台中蓮社創基三十年今因地狹改建重樓飛甍啄  
檐極為壯麗位於綠川南湄水西流繞川鐵路輪常  
轉焉二首

飛空樓閣綠揚陰三十年前舊淨林識得川流隨落日晚  
鐘同印向西心

雷音迢遞六時鳴輾轉金輪度衆生遊目登臺雲漢外萬  
家燈火夜常明

詠凌霄花

瀘水南遊興已闌凌霄獨未見彫殘驕陽盛夏燻如火不  
改披心一寸丹

臺中蓮社晚歸

霞色西天末，遠林帶餘暉。  
倒流何處去，喧鳥望巢歸。  
殿深燈火靜，定香薰緇衣。  
擊磬開貝誦，韻清聲輒微。  
芳徑露華濃，新涼浸檐扉。  
中庭烟初斂，河轉星未稀。  
出門步明月，回顧心依依。  
時見叢柳梢，紺琳闌翬飛。  
今宵應無夢，念息離百非。  
縱著廬山相，亦能助悟機。

市內兩川水皆西流

交通優待老人仁政日新偶懷舊遊

新燕巢鄰厦，衰翁出有車。  
叨天雙鬢雪，養氣一牀書。  
孤調思莊惠，羣言畏獺魚。  
王孫門外綠，風雨舊痕疏。

却聘

適意隨行止，違時似守株。  
智非師泄柳，義不謗浮屠。  
舍我有人在，結鄰慚德孤。  
明朝片帆遠，海上訪蓬壺。

仲夏晚坐聞蛙

蛙鼓填填西日昏，人間深掩萬千門。  
空懸明月開天鏡，不照黃梁拜相魂。  
馬禍如洪憂後累，麟經雖火幸今存。  
從來中夏無長夜，坐待東山上曉暎。

困讀時文

史乘羌胡亂，分明事可求。  
來賓各行夏，問鼎不稱酋。  
今古旋天地，文章梗舌喉。  
西風偃東草，詰屈甚殷周。

讀禮運

四書八事皆行  
夏時後漢元  
未嘗改也

洙泗東流去五洋通滙波蛟龍性馴順島嶼氣清和士恥  
書空怨農嘔擊壤歌大安同一體禮樂壽人多

列國無政

列國時無政聯盟意若何名都蹲虎豹大海飽蛟鼉否欲  
滄桑變復修天地和伏羲新世界留與後昆過

答客問

十萬卷書毛與皮南船北馬鬚成絲捫胸能述無多品韓  
柳文章李杜詩

關子嶺有泉投火則然沃水復熄記實

吐酸成泓湧揚波却燎原萬殊參造化一體溯根源冷燼

聞爆豆沸湯看采葉欲窮天地秘不廢百家言

與竹爲隣

綠竹千竿舍有隣自然高節已起塵更來雲月皆幽客何  
必垂絲釣富春

競選

好讓古人慣無爭今日難陶朱必得位原憲莫求官華夏  
非常道戎羌不異端巢由流水曲牛飲沒遮攔

夢與友人賞月

夢接千程近同行看月圓醒來光在壁疑可手捫天窗竹  
搖清影牀書倚舊氈出門思有問蟲語咽秋煙

宗周

宗周多難此東遷再訪瑤池欲問年憂國何慚人在野結  
羣徒有雁橫天犬戎終服降沙塞穆馬西征收日邊四海  
歸心文武政一時同解兆民懸

偶似

小院清幽認舊塵秋槐斜日數家鄰天涯偶爾風情似更  
覺蟬聲是故人

答人問阿氏登月球何無所見

鐵翼凌雲作壯遊嫦娥未掩廣寒秋清光萬古詩成海慧  
眼欣欣碧眼愁

境來

禪那勝過賞奇文  
定力無多心輒分  
詩境飛來推不去  
似龍噓氣已成雲

平生之淚

弱冠遭喪亂  
繕性仍多情  
多情豈無淚  
萬苦未嘗傾  
干戈遍華夏  
燹火焚連城  
空戰崩雷電  
慨身片羽輕  
所親皆離散  
飢渴時孤征  
曾為賊中虜  
笑罵求鼎烹  
世間有鐵漢  
非我攜同行  
鈍根本無立  
矜躁猶未平  
但聞人一義  
泫然已吞聲  
高呼復擊案  
四座回首驚  
淚泉在何許  
應彼肝膽生  
修綆不能汲  
契心湧縱橫



西望二首

初首指其旗象

盜能由道賊能佳，西望花旗品幾階。  
一角斑痕韓越淚中

多溝壑漢枯骸

援韓越皆中輟入背盟我國

幽屬桓靈必有雙兒孫，幾輩振家邦。  
遙憐三世新盟主，都

向韓公問受降

尾等語北平事

謝絕諸緣

壯歲皆龍象，衰殘獨老翁。  
近來如夢寐，久不辨青紅。  
須達布金願，旃延論議功。  
諸緣謝隨喜，深望恕癡聾。

秋意

夏曆六月二十三日立秋後七日作

秋意晨光裏，金天露氣清。  
宵來簞猶熱，星動樹無聲。  
看鳥

高巢盡忘衫一領，輕未堪棄羅扇暫借掩朱明。

僻居自適

冠天履地未嘗貧，况有昂藏七尺身。抵掌滔滔言若水，臨文灑灑筆通神。素餐誰解同流恥，好貨空懷一聚塵。欣厭萬殊隨取捨，雲泥無計使相親。

逢少年

血性男兒氣自豪，相逢莫惜錦羅袍。匹夫雖不求朱亥，却愛今之左伯桃。

學者時來研討李杜境界，答以二絕

十年欣賞少陵詩，雖飲醇醪未覺奇。唱澈三唐窮兩宋，始

驚千古是宗師

旭日青天散彩雲，微機誰識獨超羣。  
終教詩聖退三舍，無

敵北平飛將軍。

淺嘗僅見，豪放深入，窺淨天然，知李微言者鮮矣。

周居士喜直吹電扇，屢勸止，改用蒲扇，索題。

夷機揚厲氣，四座失中和。  
未若蒲葵扇，清風水不波。

友人贈蕉扇，濟南產，價廉用廣。

一葉飄千里，羅紈意不同。  
手搖心自喜，瀟灑故鄉風。

野寺訪僧

秋風滿高樹，野寺水東湄。  
磬出寒烟外，人來上月時。  
住僧行簡樸，肅客自威儀。  
夜久虎溪畔，重遊邀後期。

文尚西化字體多改

知有今朝厄初曾泣鬼神史倉愁四目后鑿結三鄰夷夏  
天殊戴龍蛇像不倫孤碑封秦嶽沒字亦稱秦

文禍八首

國文者國家之文化民族之元精也五四以後廢  
文言尚語體學子所習多歐美雜說崇唯物闢倫  
常六十餘年數典忘祖失國偏安又被迫退出國  
聯賴倡國學莊敬自強齊家報國以存近有鼓吹  
新文學者曰純文學漁文學鄉土文學多類語義  
西化前鑑可憂

歐美無秦火得傳牛馬經西風搖落木東郡不趨庭性與

諸天遠人非萬物靈李斯先有識後者已冥冥

牛馬經古  
獸醫典籍

焚書以安眾鄭國有高賢不罪佳兵首興戎翰墨緣聞詩

識禽獸舍濮暢歌絃鄉校今宜毀僑公久杳然

學說亂國

飄飄何所似天末轉飛蓬萬里散還聚崇朝西復東丘隅

止黃鳥銜嶽有歸鴻歲暮荒途盡淒其勁北風學無重心

未聞堯舜典但識蟹行書文範孔懷土師承惟利漁為劉

應左袒失國鑑前車聲氣非吾類山河恐不如

無心自奮

道德非玄遠天倫序一元文章無質鼎血性乃真源胡俗

誇多僻風人雅不煩臨皋聽鳴鶴倚樹讀鵠原

教忽德育

天地皆平易無言育物華  
四時開萬象一德遍恆沙  
芳樹啼朝鳥池塘噪晚蛙  
虛空不明暗羣妄自偏差  
教不務本

曾作人之患投鞭卻恨遲  
絃歌非古樂記問濫經師  
業惑莫予解燈雞虛爾時  
齊家與治國不語寸心知  
古耕自悔  
大錯由誰鑄夢醒時已違  
無人開正眼多恨悵斜暉  
但得懷風坐何須立雪歸  
長鏡訪止壑不信少芳菲  
過非學子

### 退院僧

殿閣飛薨昔募緣  
鳴鐘後夜起霜天  
荼瓜四眾施平等  
風雨孤燈誦十玄  
方丈如官新選俊  
羣寮常住舊多錢  
誰知退院僧伽老  
閑坐齋飧不自然

憶生公

法緣何必虎邱岑自是生公不可尋  
天下無山非石聚觀機皆有點頭心

邦交非無道義在其國風觀中美盟約屢呈不貞之  
象曷勝慨然五首

受降何必築三城卓卓韓公見早明知有西鄰繩祖武定  
朝北斗述葵傾諛他自愧哥舒眼是我同仇回紇兵悵望  
太平洋岸水將無孺子濯冠纓其三 屈大選者均詣北平求盟

戎羌有字未書仁宇宙茫茫何所親黃鳥雖鳴非我友文  
章無墨到天倫朱虛浩氣終存漢魯仲高風不帝秦最是

儒冠多悞事空將禮運委灰塵

彼丈不知仁字我國禮運碑復遭國聯拆除在尼氏主盟之時

肇禍何因寇犬戎遷都賴有洛陽宮褒妃如或不成虜周  
室料應還向東性習乘危交欲斷人由寡信事難終老夫

堅倚尼山立拭目看他返照紅

我國播遷因在杜氏今范使求盟竟遭冷落領聯寓意

從無左社主盟壇食我山河似葉殘猶說斯人援水火誰  
能往事有心肝玉門關外春風少日觀峯頭夜色寒今古

興亡非坐待揮戈自奮向長安

國人猶有依賴之意可謂使志

不道西方有魯連高公光焰萬峯顛岐途昏夜張明炬涸

轍無霖注大川開國政宜求國士愛人學必究人天聞風

或可多興者願倚前賢啟後賢

美議員高華德力主堅守中美盟約國士正義勝卡氏人權空言



題壁懸少陵畫像

箬笠青鞋松柏姿  
平生長物一箱詩  
因何久立南牆下  
碧海鯨魚不入時

重逢淨宗豫上人

二十年前憶舊容  
廣眉深目語洪鐘  
今朝重見飛來似  
積雪峇堯五老峯

中秋薄陰同友賞月

碧落秋分東海涯  
廣寒宮殿隔輕紗  
塵寰盡布珊瑚地  
仙桂還開玳瑁花  
文會於今惟我輩  
離情此夕是誰家  
無人更解圓明後  
又把清光淡淡遮

林清坡女士畫禪室吟草題詞二首

詩心畫境右丞禪每倚松窗獨自參  
悟後誰能通一語起看秋月印明潭

濟南瀟灑易安詞江上清芬道蘊詩  
難得雙兼都不讓叨天獨厚愧鬚眉

詩道久亡報社厚酬徵之罕有應者二首

一句難論價三年未輟思餐遲歸鳥  
後燭滅曉鐘時白屋牆皆墨紅顏鬢  
早絲良朋共欣賞阿堵竟何知

艱難師一字睥睨笑千金御手調羹  
飯棲鴉借上林薰風歌已杳濮水夜  
方深遍國無談者歸來面壁吟

詩卮

春秋久不作今豈有詩傳况直西風急難容蕙草妍金絲  
湮魯壁簡策散秦煙世季終當復潛龍或在田

丁巳重九應邀登高三首

歲時無感有誰能况在他鄉老似僧好友來邀山上去愁  
顏暫破喜同登

名流習氣亦超羣山水當前却論文等是娛人清不似詩  
魂酒意共氤氳

秋山佳色入斜暉打帽無聲黃葉飛少待東南弦月送菊  
花叢外踏雲歸

九月十五夜望月

高爽天空淨清涼月色幽輪圓非既望氣肅異中秋客早  
吹簫去時當落帽遊還堪過赤壁但不見黃州

阿氏登月無見唯物唯心紛爭不息

物華入夢形不倫夢境纔醒無一塵空中萬象醒不睹  
目瞋睡來金銀目開渺茫閉方見理無事有疑鬼神佛言  
聖凡殊五眼偏執謬妄諍長短看蟲成輪輪仍蟲抱冰稱  
炭自欺煖廣庭去辯公是非課雜各為左右袒唯唯否否  
吾不能人云亦云難服膺當遊蓬萊閭苑靈鷲窟百萬圖  
書求足徵再持金鏡回到人間世為他盲病內障外障刮

千層

靜夜思

靜夜窗竹鳴微涼生枕席牽衣感歲華老去遠行役故園  
雁飛南丹柿霜下摘北斗懸前林天涯若咫尺漢京隔烟  
塵何以奮鵬翮所思在山木安可長作客

駱駝歌

今日君飲酒老夫拔劍歌人世龐大物厥名曰駱駝麒麟  
避踐草獅吼震林柯兩者俱不似高深難揣摩北塞行馴  
順鐸聲柔且和奇背聳雙峯累累囊橐多我歌止於此四  
海風揚波插劍持君酒醉地問山河

溪畔閑眺

晚風飄黃葉日夕天掃雲秋容氣高爽曳杖清溪瀆遠澗  
蘆舞雪沙頭靜鷗羣一漁負簣過賭面無禮文炊煙小村  
落野靄青難分尢吠共人語微茫隔水聞

秋雨川上晚晴

涼雨晚來霽秋聲川上聞風高天浸水木落月穿雲故國  
思鱸膾仙臺隔雁羣客心共時緒付與夢氤氳

魯郡肥桃果佳天下

瑤池蟠桃樹萬載花常開借問誰所種女媧正嬰孩漢宮  
王母降宴罷投其核曼倩却知味竊懷三兩枚急歸平原

郡擇土肥城隈至今果累累天上輸稱魁得食成仙去雲  
裳滿蓬萊吾亦換道骨此生不虛來

登懷西亭

小亭出樹杪臺峻如疊雲下湧兩川浪激湍迢遞聞無事  
偶來坐送青拱山羣天低藍接水一象煙氤氳我心曠何  
似混沌無可分朱欄入返照懸鼓明西曛

明潭月夜泛舟

鏡潭印秋月淪淪如碧天停櫂不欲進恐碎清光圓蘆花  
水之曲銀漢搖晴煙人坐九宵上迴勝塵謫仙披襟壯思  
飛無酒亦陶然何必遊赤壁洞簫客蘇船

忘典歎 甚於忘祖矣

霓燈耀庠序博士機車鳴阿閣聚冠帶高談四座驚羣疑  
滿人間譜牒堆書城家各論世系茫然義難明或云必考  
據求證窮幽情智者先首肯冥思得其精曾宣猿是祖音  
轉軒轅名鼓掌齊贊歎飛毫記縱橫新聞標大字叫賣衢  
巷盈余心在鴻鵠騁目游太清

狂歌謠

君不見春秋六十更六朝入峽渡海孤雲飄蠻夷羌胡亂  
華夏歷代文獻從此凋反倫掘墳禁漢字滅族戕性書全  
燒九陽熾空雪如手迅雷風雨朝復朝豺狼當途鳳麟死



荆棘遍種鋤良苗黃泉碧落抑人世大惑塞胸無可消已  
矣哉素手行乎有時待深淵同溺誰援超屈平沅湘尚幽  
怨賈誼遠遷悲寂寥余之所遭甚於古傾吐其蘊多浮囂  
嗚呼天欲聾兮不聽地欲啞兮不語余心音若秋湧潮願  
君哀恕狂歌謠

憶舊

故國三千里陽臺一片雲孤帆巫峽水萬古別離心

蒞新

衝前列隊足威儀新選賢能蒞任時為政應先言語妙親  
民善說外交辭

登臺典新織遊所聞述其競選之苦也

百尺高臺日色昏，羣山迢遞漸無痕。  
不堪呼籲長街夜，誰鼓異時猶斷魂。

霧社山中賞梅

遙憶故園雪瓊林，開玉花南來梅萬樹。  
疑是北還家。

臘雷

何事天丕變，依稀稀失箸。  
驚維時臨臘，祭震地發雷。  
聲欲卜心先怯，披書眼獨明。  
若逢蘇味道，稱瑞賀昇平。

丁巳臘八雷雨

臘八傾盆雨不寒，沈沈雷撼暮雲端。  
孤山誰憶林高士，坐

對梅花愁眼看 梅為國花也

義犬塚有序

臺灣日報載彰化許姓農家同飼犬貓久相親有  
毒蛇與貓鬪貓困甚犬聞來援與蛇共斃農義之  
封塚銘石因感時俗而賦此

農民愛貓如掌珠付囑飼犬加意扶奇哉獸知力仁道不  
以強弱情有殊起居食眠共遊戲宛似同根連理株虺蛇  
伺隙貓勢孤搏鬪蛇勝貓全輸聞聲犬至挺身救奔撲糾  
纏血模糊咆雷毒煙雨不捨決死同斃田之隅主人感傷  
淚霑袖封塚立石銘義盧新聞郵傳觸老眼四海之外人

所無夷吾仲連久已沒秦楚肆虐皆獨夫况今戎羌習殘  
忍腹劍所及千城屠願求造物放天眼召此大魂出鄴都  
降生大邦作元首選入國聯握盟符人權流民困水火天  
下信汝來其蘇

丁巳月望皆陰獨臘望皎潔無雲

星稀無際月中天十望雲遮虛度年自象高明終普照非  
依臘鼓助清圓

丁巳除夕

國步愁仍舊仙臺歲又新梅開殘雪夜夢斷故園春天峻  
無焦土時危見德鄰明朝逢賀客強語笑相親

空懷

愁絕仰天笑空懷  
匡世心有江皆感  
浪無谷不遮雲風  
力爭兼助月華難  
一臨青霄懸白日  
掩目夜沉沉

宴客

恕我有茶癖勸君  
傾酒庖健談因好  
客不醉莫題詩槐  
火鑪封後梅花月  
上時陽春滿我座  
警句羨君奇

養氣

未展經綸建將壇  
短衣射虎已殘年  
時違遁跡應浮海  
愁發吟詩不問天  
戰國風雲徒自擾  
幽居花鳥儘隨緣  
人生莫道渾如夢  
夜氣常存養浩然

桃源

桃源從不染微塵  
逐水飛花春復春  
漫借白雲遮洞口  
無多過客問來津

雞鳴

破夢一雞鳴  
荒村月四更  
祖君空舞劍  
函谷未開城  
卧待霜鐘罷  
起看幽澗明  
漫言天始曉  
九陌萬人行

臨溪述懷

戴笠來看水  
投竿不羨魚  
白沙堤上柳  
青眼滿吾裾  
萬物隨道遣  
孤雲自捲舒  
雖逢獵渭者  
抗手謝同車

觀碁

巧工斲方木取象乾坤型縱橫三六畫野度交緯經太初  
一元氣八表清且寧白碁乃正統黑者羗與戎開釁由黑  
起寇輸不追窮讓至無可讓始施先手攻突圍不甘死打  
劫機復生周旋決勝負制敵出奇兵一隅關全局寸土皆  
力爭收場人我在依舊干戈興王師非好武出於禦侮凌  
威德意兼盡歸和無一能森羅萬類殊混雜蛇與龍古今  
亂天下左衽實元凶觀此雖小道世風知所從

晉濟寺訪友

時尚各界以觀光相號招即歐美化也此寺無之

訪隱入蘭若悠然清客心人天同水火城市有山林竹院  
僧皆衲香龕佛獨金象超歐美外時發磬魚音

私淑

魯連不愛金為展平生志陶潛不好名善養浩然氣二公  
皆我師千古淑其義顯世終自隱歸田不求忤我志蓄未  
申守氣殊非易鉛刀亦當揮何必憂鈍利願得鮑叔牙一  
朝來把臂乾坤隻眼明高卧安夢寐

非時之言

我作自欣賞遭逢他不知所處雖同境觸機則多岐况今  
文運轉西風正當時熊魚愁嚼蠟糝快朵頤或震陶謝  
名含糊誦其辭敢以所謬解大言多指疵我詩非美玉不  
急求沽之但吐喉中梗隱顯任推移古人不可見來者才



難羈問誰五百歲脫履倚長圯

正月十一夜勁風掃雲星斗燦然旅臺初見

連夕北風勁海天淨煙雲藍光似春水靜止無波紋朦朧  
三十載重見星斗文銀漢長且廣月明增十分偶逢此良  
夜懷古謝將軍披裘發高詠白雪滿松羣

客去

梅花雪後數枝開小院聯吟踏碧苔客去黃昏扉欲掩寒  
山湧月送詩來

送僧南歸

送師海南岸旭日升東峯雲路三百里飛車若游龍林間

尚啼鳥橋下水淙淙羨他手持珠所過如未逢歸到荒村  
寺適聞鳴午鐘明朝虎溪別回首舊塵蹤

春晴

鳥來啼晴日人起憐落花擁帚胡不掃綠苔上階斜圍春  
纔有意客久深思家自然搔白首仰望天之涯天涯何所  
有縷縷飛紫霞下臨渤澥水早晚浮歸槎

寒山寺鐘

造物寧有數得時多偶然叩鐘寒山寺聲送詩人船詩人  
正愁卧餘響涵霜天感之發高詠野澗開江煙漁火映丹  
楓鳥啼落月圓文章有靈氣飛譽三千年洛陽六獅子蹟

隱誰與傳

教育改授語文已六十年古籍國人多不能讀

豎儒狂且病天未喪文時左馬灼今古膏肓無樂醫臨風  
草自偃吠日犬何知麟筆如重見族秦書李斯

憶故鄉自遣

雄郡巍巍貫魯青風光瀟灑作東屏攀龍秋谷皆吾老秦  
嶽黃河各典型君子人多天下小蓬萊文祕海山靈南飛  
倦鳥鳴何似北望魁杓七處星

望合歡山雪

他山無雪

合歡山頭雪皓皓摩青天遙看似雲屯不與衆峯連雲雪

同皎潔無由辨媿妍我來紅塵外便是蓬島仙回首人間  
世喧呶各紛然難將箇中意向彼作言詮

贈詩僧

淵明時過虎溪橋乘興何妨酒滿瓢莫笑山僧不同醉甌  
茶亦灌百詩苗

適志

我愛焦尾琴入山常在抱松間偶解囊春雪飛皓皓朱絃  
響正音不必廣陵道縱或無人知自彈自傾倒志各有其  
適無絃趣亦好明堂奏胡笳却步心如擣酒邀陶元亮門  
拒陳叔寶徐澗底風不偃峯上草

福人

一笑心空萬象春，掛冠雖老亦天真。  
由他傲骨譏窮相，自我清齋是福人。  
蕁蕁根香無肉鄙，江山間氣入詩醇。  
琴書半榻苔三徑，只厭繁華不厭貧。

訓湖南張齡函勞興居

灤源遙匯洞庭波，欲作文瀾養太和。  
願我鈍根終下里，輸君椽筆抗東坡。  
雖聞正義神猶振，羞逐時流鬢早皤。  
拜手衡陽飛舊雁，或能今雨入春多。

吳鳳廟

在嘉義郊外，即其墳側建之。

阿房三月火，金谷五胡塵。  
古廟城鄉遠，千秋俎豆新。  
匹夫

功不揜樵子口能陳益信王侯賤低頭禮藻蘋

誦李太白黃鶴樓聞笛詩偶興非時之感

狷介心常羨知音老始求石頑難滴水風逆枉援舟簡策  
胡書肆絃歌越女樓梅花五月落歸去好披裘

### 幽居

幽居俗客少老去故人稀窗曙梵鐘入林昏棲鳥歸校書  
藜火爛佐食蕨拳肥三徑還來月清涼浸竹扉

### 歲九十述趣

春至惟山笑償詩借籟鳴干戈百年眼不見有昇平六國  
興亡地三都帝后城淚波今古匯濡筆吊蒼生

春朝微雨訪友不遇獲贈

竹風夜瀟騷朝雨過東郊綠潤新草色青垂舊楊梢我思  
戴笠去訪友前山坳客歲曾有約賞春治厨庖雖無定時  
日興至趨衡茅蘇端竟他往幸不情空拋家有老蒼頭知  
來忘形交殷勤具野菽煮茗杯如匏此亦足歡暢絕勝漿  
與肴臨行一束贈紅杏花含苞

事有所辭忽憶古人口號

廉頗老去自超羣一飯猶餐肉十斤但愧無能報知遇貌  
貅難御沐猴軍頗在楚無功曰我思用趙人

美初為世信義國杜氏為政一還數屈因之失策列

國喪亂棄唾之報載近有欲整信譽計三首

迭鑄乾坤錯江河日下流中原三豎悞列國萬家愁反覆

隨秦帝逢迎悅楚酋華林皆飲泣泉下不勝羞

謂華盛頓林肯也

三戶言空壯秦亡楚亦亡今人無屈子累世有懷王白殿  
連春草金山近夕陽聯盟不齋沐猴戲戴冠裝

謠傳初醒夢欲問夜如何未必能推枕昂然起執戈驚人  
鳴大鳥出日沒長河此亦難能事重聞不厭多

戊午修禊

今日誠足樂壺觴酌花前詩翁發高詠佳士鳴朱絃令節  
各修禊余心聽自然樂歌皆慷慨感觸情思遷達人勸進



酒鯨吸杯倒懸人生莫百慮同醉同飛仙肴核盤已盡顧  
笑邀來年

復興文化演說後追憶二首

羌胡入主是歸降一例與圖獻漢邦禮俗同方今忽改未  
崩墳墓迓西艘

十六國五季遼金元清入主皆從漢化今羌西化

萬國可汗齊戴天真觀無忝大同年但聞時彥歌歐美鄉  
校塵封史不傳

前週美卡氏欲整信譽今又派其副求謀共黨

知汝本無信三規慚失言縱橫戲天下顛倒帥黎元枉種  
石田粟難開枯井源希夷從補過何事代憂煩

廖添丁鄉農也日據臺後憤而棄業為游俠專劫庫財散給貧眾日人無如之何

已喪邦家心不降孤忠取義有多方朱提煩轉無烟竈  
匕首常棲落月梁天上神仙飛曼倩海中魑魅困扶桑盜鉤  
竊國論何有操莽至今號帝王

野老贈葵菜

野老籃葵佐我餐絕勝金鼎食龍肝水晶鹽和薑椒味淨  
洗豐盛白玉盤

移竹贈友

歲歲新苞塔下生移分遙寄故人情臨秋縱或無今雨且

待冬來聽雪聲

對月

古月依然是今月  
今人不比古時人  
古人同月互為友  
月與今人誰結鄰

觀蜀葵

繞砌葵花錦作堆  
亭亭日午對簾開  
繩牀移出檐前看  
童子拋書煮茗來

革天

伏羲陳去革新天  
星斗交爭改次懸  
人及終身刪上世  
時無正朔奉胡年  
萬家書帙非蒼字  
四野犁鋤少墓田  
省識

空中尋鳥跡相逢且莫話高玄

陋居

射書籌箸一生勞金盡歸來鬢二毛  
瀘水猶蒸人正溺蓬山雖好義難逃  
奢言食客三彈劍不識屠夫偶鼓刀  
陋室漫憂天下事料應匡濟有時豪

感遇

無慚橐筆聖門遊巴峽十年風雨舟  
禮樂今依蓬島霧江山長憶秣陵秋  
任教言語論天下輒許文章挽末流  
還似宣尼忘肉味非時不愠少人酬

松柏坑山亭遠眺

山亭倚曲欄俯視青漠漠煙水不能分氤氳鋪萬壑衆峯  
疊遠空雜樹低於藿偶見炊煙升始知有村落步虛一仰  
觀頓覺心無縛非我非天地云誰使橐籥

首夏霖雨晚霽

郊原衆綠合迤邐盡連山露樹青天外沙泉白石間鷺飛  
新水濶人去夕陽閑又欲詩題壁苔封萬點斑

朋來

車馬達人巷茅茨幽客庵朋來休問宇煮茗可清談衣冠  
思漢制風雅遣誰擔若乃徵文獻天涯訪老聃

遙思

天西碧雲落晚霽月鉤新疑是凌波艇愁無蕩槳人看誰  
招隻手使我渡沙塵不向蟾宮住鄉心灤水春

和王教授贈內典班畢業諸生二首

木鐸文章各自鳴諸城從不例桐城鴻儒今古皆君子幾  
卷書題游夏名

輞川春水接天藍遙寄鯤臺注劍潭沈浸青衿成八俊俱  
能鵬化欲圖南

申謝一首

四載皋比髮更疏言難傾盡意何如杏壇滴雨皆成海永  
掬心香熟雪廬

夏

清和交夏後佳木綠含煙  
大地霑時雨同舟濟巨川  
從容人自袒峻直日中天  
香滿薰風裏花開九貢蓮

雙國士

中央日報六十七年六月十日載俄索忍尼辛痛  
斥西方道德淪喪警告美國美高華德力陳縱容  
共黨後果皆匡時謹論

秦楚弟兄皆虎狼遙天國士結成雙  
堅持正義人猶聚久障洪流志不降  
日月胸襟思魯仲乾坤器識有劉邦  
鏘鏘霄漢同鳴鳳何事恒沙下里腔

天中節

五色葵花匝地傾中天  
懸日萬方明從今時節歸  
長夏高樹齊蟬第一聲

夜吟

久坐淨無塵臨窗月色新  
孤燈不寐室百歲遠遊人  
落筆聲騰紙未吟詩上唇  
更籌今夜短檐鳥噪清晨

觀蓮憶鄉大明湖蓮為濟南市花

百花洲賸綠楊煙歷下亭  
南駐客船四面蓮開君子  
界時當雷雨獨昂然百花洲為大明湖渡口

寄內代人作



梁間猶憶燕呢喃  
十載鄉心淚一函  
江上新霜楓葉紫  
石頭城畔有歸帆

聽索忍尼辛廣播述感

河橋垂柳短戶限  
綠苔生花好春仍在  
山多鳥不鳴  
停雲連北斗  
落日暝西城  
去者如今返  
猶堪舉世驚

我棄素倫常也

今世非前古  
天荒鳥獸羣  
知能恣忿慾  
骨肉半泥雲  
不與媯皇制  
敢塗蒼聖文  
人情同厭喜  
海運日紛紛

侮慢

美卡特又言不棄舊盟

興替由天命  
淫朋奈我何  
陳言多侮慢  
衆志自蒐莧  
禹貢

州猶在橋陵氣不磨老夫眸子炯若為舊山河

觀人家壁懸淵明畫

孤高神已具深負畫工思  
松菊非同好衣冠不入時  
茶煙  
雙眼霧蟠網滿頭絲  
主道將塗壁新裝玉女姿

下山

古寺斜陽裏鐘聲下薜蘿  
林開山徑曠水淺壓流多  
祭舌  
思花雨塵心似鏡磨  
歸來清不寐明月滿庭柯

獨樂

誰能老去細論文長揖出門深  
謝君禮未重興難入世心  
從所好不同羣朋來陋巷  
無車馬獨樂蕭齋有典墳  
季白

知交裏水叟千秋吾亦仰清芬

夜坐

夜靜蟲聲息柴扃客去遙  
詩清茶一碗禪寂月中宵  
叢竹響虛壁涼風過北寮  
余心不取境無碍兩蕭蕭

問侶

幾年年共老曳杖看青山  
莫勸今朝酒難回昔日顏  
鐘鳴斜月落鳥去白雲還  
只此曾相識餘皆隔世間

觀波

老去不垂釣臨溪觀湧波  
從無流水住只有暮煙多  
已覺前朝夢漫謳今日歌  
牛山墜癡淚行樂復如何

詩人節觀競渡余亦庚寅年生

臨流懷屈子降我亦庚寅侘傺超前烈文章落後塵  
過雲震鼉鼓衝浪耀龍鱗一掬心誰吊天涯欲結鄰

午日登山北望

依舊登臨怯鄉心不可攔柏彫殷社改日午夏時端誰謂  
村無剩料應山未殘橋陵何處是思拜漢衣冠

開闢

億兆軒轅胄幾多能象賢江山神禹地日月女媧天  
夷狄都吾寇螟蛉接葉傳問誰窮太古自起掘墳田

看山

丘山無力復登臨，但得遙看亦賞心。  
坐到漁樵歸盡去，天垂四野暮雲深。

下弦

涼天皓月是清宵，潭上安禪印落潮。  
當此下弦陰晦夜，也應承露灌心苗。

答人問河套圈

萬里黃河三面流，正陽開處是中州。  
風沙自古屯西北，不可探源天上遊。

誦李太白黃鶴樓聞笛誌感

五月江城雪梅花落，地寒笛餘亭北。  
恨淚向洛陽乾，厭亂

天心悔刪詩蜀道難家山識西顧處處見長安

竹鳴

新霽無雲天氣清晚風吹竹入窗鳴待聞階下彫梧葉已  
是秋來第二聲

有省

三徑有藜藿連床堆古書盈筐採朝食湛露濕衣裾飽後  
開書帙朗吟聲滿廬微言輒有省今密前何疏夕陽高樹  
杪烏雀喧庭除同鳴可同羣烏樂人何如

美蘇更迭爭霸皆以他國為壑

遠矚西北塞風沙搏混芒金蛇欲吞豕威浪太平洋乾坤

久陰霾使我摧肝腸上辰居北拱下車指南翔經緯三六  
度軒轅奠中央聖賢在華夏濟世非戎羌聞雞盍興起繩  
祖圖自強厚積五千載開承重發揚慷慨提慧劍願揮蘇  
萬方

逢鄉人

忽漫相逢意便親暫留沽酒話黃昏聽來往事皆惆悵多  
少平生未報恩

雨象答或問

西風初起未開天窗度流雲樹掛泉且喜吾家多舊物遊  
依蓑笠卧依甔

長夏觀雲

晝長思欲遠，遨遊雲疊奇。  
峯碧澗頭驚，嶺飛來低壓。  
樹蓬瀛，幻出半成樓。  
太虛平視，諸天近，赤日深藏。  
溽暑收心，在清涼身，宴坐不移。  
藜杖遍滄洲。

美人

美人信尤物，傾國復傾城。  
今更傾天下，不祥勝甲兵。  
遙思魯男子，縮屋繼燈明。  
志有堅持者，千秋共爾鳴。

窮未詩工自嘲

錐立久無地，何人如我窮。  
詩成漫驚喜，斧鑿未能工。  
筆硯思投火，金銀枉斷蓬。  
欣然獲杯水，不負老彫蟲。

高古耕教詩



訪山僧

鐘磬鳴何處巖巒不易尋  
雲開花峪澗松密石壇陰  
語罷應無住香清已滿林  
歸途一回首始覺翠微深

居處有竹

高節臨清澗脩脩上紫冥  
吟風時絕倒來雨輒垂青  
獨坐琴餘嘯遲回客忘形  
此間居處好陋室有芳馨

今昔

無由白髮三千丈次第青春九十年  
一事未更何苦樂寸心分別有方圓  
郇厨列鼎腹求果謝月當空人自眠  
惟欲澈知今昔水幾回濱上對流川

西方月

白下白宮無二月中天皎皎是蓬瀛  
新鈎同與殘鈎沒不信西方月獨明

戊午七夕

天上佳期會人間喪亂愁仁心來衆鵲  
苦緒渡牽牛湯武從多怨鰥嫠遍五洲  
銀河歡喜淚莫向下方流

餘年

叔季難言道行藏不禱天升沉雲狗影  
敬怠古今權三徑可高詠一廬能坐禪  
我同貴公子等是養餘年

秋思

雨歇雲皆斂，新涼却獨留。  
天時方處暑，詩思一庭秋。  
窗竹鳴還笑，池荷落帶愁。  
候蟲無蟋蟀，幸不憶齊州。

信宿

愛月出東山，流輝翠微間。  
天高雲氣盡，燈密舍扉關。  
濁世原多累，浮生竟有閑。  
主人偏好客，信宿未能還。

坦腹

坦腹軒然笑，乾坤一局碁。  
此中無所有，更不着時宜。

題畫雪境

風雪漫天地，濡毫六月寒。  
廬中有高士，不必是袁安。

中元墓祭野望

亂塚草如茵紙灰澆大春始知封馬鬣盡是太平人

索居

吟詩三兩首簟卧有餘清罷讀客燈息索居虛室明殘宵  
書入夢一院籟無聲欲說斯何境悠然妄又生

姊妹花

兩國交好時俗尚稱姊妹

豔稱公廡作吳娃為結同心姊妹花漫道二喬銅雀事也  
應求壻問誰家

辭酒以詩謝之

華年放浪醉劉伶昨日已凋今日生名士定論非好酒詩  
人未有不多情

秋雨有憶

秋雨連宵枕簟涼  
客窗無夢折枝香  
故園城郭今何似  
正是槐花滿院黃

歌詩

簾捲歌詩罷  
遙天似有聲  
却疑林壑遠  
安得磬鐘鳴  
手把重高詠  
心開見古情  
幽篁和幽韻  
金玉戛前楹

何園

園主著作大概非孝非貞之論

曲水橫弓蟬飛樓掛彩霞青  
尋指佞草紅簇合歡花  
良夜雙棲燕殘暉不集鴉  
千秋書萬卷難得種桑麻

蟬蛩聲皆感人時至而憶故鄉音也二首

殘暑新秋集古槐蟬聲嘒嘒說齊諧時鳴不是空流響多  
少炎涼入客齋

金風玉露歲華遲絲竹樓臺人不知獨有候蟲明月夜琅  
琅東壁苦吟詩

國詩與西化詩之諍

赤地飽藜藿曾從鄰壑求稻梁生未識鼎鼎見無由坦率  
情獻曝何妨說養羞操刀思執耳先必目金牛

教育

揚棄詩書舊迎來馬列新山河襟上淚墳墓路旁塵自我  
成黃禍招他殖白民興亡天下事教育是何人

不借三首

覽白話詩而作

珠容魚目混虎豈犬形求名器難相借太陽光獨流無妨  
白非馬未可容同囚萬古橋陵在依然拜冕旒

六詩華夏藝歷歷五千年豈料新營壘來爭古瓦磚寒蟬  
秋柳陌飛鼠夕陽天似未聞詞曲分庭不讓前

已傍黃金岸未知風雅津厲階經掃地悞國漢和親除夕  
天何舊斜弓月不新弦歌調韻語翰墨識丁人

哭李立法委員漢鳴

八旬稱壽考猶自斷人腸烽火數千里交情三十霜秋山  
墳已草白首淚霑裳慰藉容傲倖招魂在故鄉

宴大坑藍氏別墅

莫道園林小短牆  
山有羣曲池低拂燕疊石暗蒸雲  
客至花初放詩成日未曛  
管絃聲不到人境出塵氛

客夢倦歸

客夢倦遊車馬歸  
關山萬里事多違  
驚醒喜卧舊牀帳猶  
把他鄉當故扉

唐詩人

五步八叉才大奇  
三年二句未嫌遲  
拚爭妙語驚天下  
爵祿當前抗手辭

中秋月夜



長空雲歛晚涼新倚樹吟秋客一人  
今夜飛觴徧天下不知明月與誰親

丹桂

露下閑庭桂一株翠盤堆累碎珊瑚  
茲花不在秋風外別有溫香韻自殊

月下蛭笛

萬古詩人月在胸清光臨下若文宗  
曹劉陶謝鳴鸞鶴蛭笛哇吟不似龍

歲九十自輯詩稿有感

搜腸嘔血識辛酸不入朱絲丁字闌  
七十春秋十五首天

教留與後人看

曇花

良夜瓊花向我開  
玉環乘月下  
瑤臺香籠四壁侵  
書案一片詩心誰送來

狙公

廢約結盟皆戲猴  
莫生歡喜莫生愁  
狙公應有權衡智  
芋數隨機自在投

題江逸子畫黑馬

何方得烏騅  
鬣尾霑雪泥  
壯志在千里  
昂頭翻玉蹠  
空羣非冀北  
返不瑤池西  
江生發逸興  
思與韓趙齊  
硯田產龍

媒天岸御風嘶亦堪涉江漢破浪驚蛟驪伯樂不知畫莫  
徵彼來題予亦不知馬滄溟妄測蠡

蠻觸歎

四海堂坳水五洲丰捐綿胸摩北斗後背擦南斗前心放  
知沙剝地球小漁船語大莫能解語小增茫然古人察蚊  
睫今眼無青天日月非現在愁聞歷光年漫言喬松壽疾  
飈蕩輕烟貨財子女戰國病俱狂顛云何得真樂我欲問  
金仙

息交

笑似禪僧靜閉關息交何必定深山半生憂國徒多事竟

夕吟詩自不閑  
夷夏時宜皆未達  
公私舊怨一齊刪  
丹丘碧澗猶牽興  
風月無猜喜往還

北辰

北辰居所路迢迢  
萬象回看似湧潮  
璞璧時乖淪白眼  
紙鸞兒戲上青霄  
高談人我三千界  
不見胡羌十六朝  
赤地蒼生思李靖  
夢中天下雨瀟瀟

江山秋月

赤壁簫歌客在船  
終南薄暮下寒煙  
江山清夜多秋色  
萬里高空一月懸

所見心有

豆蔻新妝半醉酡  
花筵一曲斷腸歌  
誰憐愁似旗亭柳  
獨恨春風送別多

溫舊

重溫舊業異生平  
一字千金萬物輕  
不羨西鄰宮室好  
幽居白屋六時明

聞蜀道壁言

蜀道人心若崎嶇  
大霧迷雨暘看地  
水晝夜聽村雞  
豔瀨舟難渡劍門  
天有梯譬言三思  
後無計判雲泥

時講華嚴劉霜橋遠以南來堂詩集見贈三首

蒼蒼雞足陽春雪  
三百年間結雪廬  
晚鐘佳句金陵寺  
借

問何音是歲除

華嚴此夕演清涼感得高僧到草堂疑是飛來峯有二頓  
教今雪熱心香

劉生有贈每稀奇篋出南來數卷詩秋月穿雲風在樹蒲  
團疊起放參時

重陽憶弟歷山舊會

佛山賞菊為邑景之一

萸會松岡上聯吟菊世間歸城秋色近隔海客齋閑弟歲  
應遲步才華憶壯顏重陽杳何處西顧舊家山

戊午雙十國慶適逢夏歷重九有憶

龍鍾孤擢客三臺不與西風聞雁來國步寧無交泰象菊

花端為九秋開識書如幻終虛語時事知機仗俊才我昔  
新亭衣濺淚舊痕重檢久徘徊

契機

朝躡塗山暮虎邱御風曾作太清遊河推神禹方平治石  
離生公不點頭但向人間傳此語隨他海上付東流歸來  
閉戶惟高卧每入長宵夢許由

讀五代史二首

戍鼓敲殘五代空狐丘兔窟帝王宮當年多少蒼生骨狼  
藉秋風秋雨

冕旒丹陛拜千官能定乾坤幾日安莫笑秦隋亡二世終

身也比上天難

調心

莫道平天下匹夫誰可調心同江海水無日不生潮

心閑

郭外多幽趣掃雲歸草廬心閑憂自解不必賴琴書

窗月

東山上明月照我北軒窗几席光如水吟詩不用釭

客去後

秋聲叢竹裏人跡青苔上昨日送君歸臨風今惆悵

漁舟



秋水皺晚風岸蘆花舞雪漁舟三五家歡醉重陽節

秋望

白雲屯遠壑叢菊繞籬落野天不可窮惟有秋漠漠

答讀史者

水止凝玉壺狂風吹不起古今事理平天下無君子

逢秋

舉世人皆老何愁換瘦顏逢秋方有興異境夕陽山

啜茗

午覺啜新茗無花亦無客三碗詩思來飄然欲振翮

黃葉

霜降木未脫林間有黃葉偶飛一片來疑是翩翩蝶  
今人

今人不賞詩孤憤難自遏磊塊蕩胸中衝喉似擊鉢

籬菊

新漉重陽酒未霜籬菊榮王宏今已杳我欲薦淵明

丁字

丁字將絕世蟹書已傾國半殘琅琊臺猶頌秦功德

經籍

元清塞北來經籍皆璀璨今日是何時千鈞一髮貫

情真

書養浩然氣心言情自真由來好詩句半出亂離人

燈昏

東壁蟲聲咽西園路草迷燈昏宜入夢莫賦燕梁泥

叩閣

舟楫愁難濟重霄若有痕願君莫俯首向水叩天閣

知音

憂患賦詩遣興來千遍吟空庭舞且蹈百體盡知音

晉人

晉人尚清談元亮文已寡世無九方臯不產千里馬

眼見

故鄉不可知時事眼前見地轉陽春回當經雪與霰

不履

海島多勁風經冬草猶碧不曾履冰霜無以知松柏

題畫二首

太白畫贊

樽酒堪消萬古愁何能醉煞洞庭秋無端謫落青天下未  
肯升沉濁水流大雅不來邀月飲壯思飛起入山遊仙才  
觀世開醒眼獨拔汾陽出罪囚

太白黃鶴樓送孟浩然

李侯遙望廣陵船倒坐何人孟浩然帆似孤雲山色裏悠

悠真欲沒江天

李太白詩傷時憂國體多興比鮮有識者名高毀來  
宋人詩話謗之尤甚

受詩商賜仰雙賢繼美無多降謫仙但得微言能善述由  
人累黍去量天

干祿

煙凝日落已黃昏路絕行人夢有痕樓鼓山鐘敲到曉庭  
槐猶繞宰官魂

老松

孤松歲老多枯枝誰憶清陰圓蓋時驟雨驕陽幾曆數行

人車馬依護持爾來雲散鶴飛去每被樵蘇柯斧欺近城  
花繁溢香遠中有芍藥媚春晚士女偕遊路揚塵歡娛采  
贈竟忘返含風濯露十日姿零落欄杆蔓草偃回看直幹  
猶摩霄龍鱗遁勁恒不凋大材靈氣自天地還化雷雨滋  
良苗曾聞闕里手植檜朽木重發千新條

大同吟

吁嗟乎書有海中弱水三千里匏瓢鴻毛浮不起地上亦  
有鐵圍山無能飛躍超其間敦煌窟裏突如奏金絃破壁  
深藏古簡篇細看似載女媧事云空西北補有堅固天雨  
絲風片不能穿氤氳沆瀣亦徒然經營五千載橫斷無可

改兩端貫兩極分限由真宰堯舜太和馬列殘苛念彼蒼  
生憂心孔多噫我思直登崑崙溯黃河再上銀漢飄降墨  
西哥遨遊紐約倫敦及蘇俄驅猛虎解網羅授以禮義勤  
琢磨不然東觀檢書十萬卷焚灰遍與填心窠或能如蠶  
破繭為飛蛾捐棄貪殘日新化乃可與之携手遊華夏四  
京樓臺摩日雲五嶽雄鎮天分野地靈土廣物華豐麟鳳  
龜龍俱不捨人崇禮讓慚相爭吾老吾幼吾孤寡非戰去  
兵柔遠來賓門穆穆共裘馬始驚中外苔異岑逸豫舞蹈  
輸誠心平等信睦普天壤五洋交接同披襟山如掌水不  
沉俯仰西北堅天香難尋渾淪一元氣白日消羣陰從知

世間與樂獨無樂引恨遲聞華夏前聖垂良箴

觸感

夷夏從來風馬牛宋元依樣水東流戰殘十萬橫磨劍勝  
似降王拜列侯

答寓好望角故人

好望何由好鄉關不一如日南昏曉改地底室家居仰視  
落冥海平臨低太虛難能適中道莫怨指方車

難默

壯年已止酒善感仍賦詩臨事多結怨大庭厭聞私九十  
何有樂鹿裘未變夷此堪慰平生豈必葛天時南山茂松



竹北澗流清漪招彼應者少嗟嗟難默辭

忽念

心廣天地寬所居安湫隘曾散百萬金視之如草芥未能  
德潤身久守殺生成依舊富潤屋連牀書可賣况有舌作  
耕客稀無酒債菜糜足體肥肥體興豪邁開窗望東山輒  
得妙境界忽念蒼生憂時為霖雨快

法侶

蕭齋有佳客抵掌無塵語非故互投好座中多法侶歡來  
亦問難任說不齟齬有時大笑去心未存我汝借遊不流  
連丘壑有定所班荆夕陽餐清蔬美難黍緩歸揮手分相

憶招翰楮

供梅有懷

梅花插玉鉞何處寄折枝夙昔巴水畔雪晴曾見之恍如  
故人來顏色憶舊時神韻皆未改重逢澎海湄鏡中余已  
老鬚髮各成絲豈有駐顏術斗躔三世移此花非昔花西  
望懷三巴話雨幾人在鷗空喚歸家大江流不盡東去無  
我槎莫向洛陽鳴兵戈亂如麻春至愁亦至相對徒咨嗟

紛更

掘堤預灌溉火野防寒更燎原潑杯水沉陸搏土平東西  
風異向草木殊枯榮海內淚如雨不蘇衆芳英堂上未申

福閣門帛將成當前誰食粟胡急憂天傾

自賞

詩乃身外物何由牽我心猗蘭滋舊雨沆漑豁胸襟嚶求  
有同好獨處誰知音不知亦不愠自賞無絃琴後世縱遇  
識我身拱木岑字隨蒼頡滅海涸桑成林麻姑若還在文  
獻恐非今且寄松窗下幽思發高吟

醵會答客問

雪廬高揖答羣賢無益人間九十年今始知非有何補空  
搔白首愧青天

戊午十一月望夜月當頭

子夜月當頭風天雲盡收  
衆星羅列拱一漢廣長流  
北斗醜正朔南箕簸我憂  
黃鐘應律管紫氣貫神州

楚懷王 戊午年十二月十六日紀

唇齒齊交舊商於六里空  
懷王頑不省屈子怨無窮  
洹水盟何在武關欺復同  
助秦誰作首願爾答蒼穹

美卡特政府突與我國絕交誌憤五首

未解匡天下相趨左衽時  
酣眠三十載受事幾多欺  
牝馬西南喪漢旌風雪持  
古今三豎禍管仲有先知

卡氏言皆偽大姦常似忠  
清晨作舟楫昏夜掘山洪  
濟溺自援手揚帆天有風  
前行無限好不必恨書空

絕交非有怨，妻薄買臣寒。  
心羨東家富，身投北里攔。  
故夫無不幸，新翮振何難。  
九萬鵬飛路，傾缸水未乾。

合衆新邦祚光榮，二百年獨夫遺國耻。  
舉世葬人權事虎，甘為鬼稱臣不象賢。  
華林神永在，飲恨泣黃泉。  
華盛頓林肯

白宮今已汗，願早復清芬。  
天地無常厭，高雷尚不羣。  
協和惟信睦，沃衍在耕耘。  
應借寅賓日，西方霽暮雲。  
高華德雷根

知遯

違時不知遯，憂苦纏其身。  
借問胡為爾，好匡岐路人。  
涼薄未孚衆，披肝親所親。  
見疑且歸去，策杖奚逡巡。  
故山尚青照閭里，非舊鄰畧除階。  
上草淨掃茅屋塵，跌坐開梵典。呬

唔日移申妖祥強守默庶免招世嗔

獨夫

卡特受故鄉唾棄

依稀匹殷紂紐約步窮途故國羞喬木旻天厭獨夫萬方  
推泮水一德戴匈奴周武義旗遠蒼生應自穌

避賢二首

道義維何語渺茫儒冠只解誦文章人間不有多金聚安  
得奪標南面王

未有賢能不貨財胡天妙語獨心裁煙城車馬忙投刺茅  
屋傍山歸去來

冬日贈漁翁

釣雪歸來早閉門，堆薪煮酒醉黃昏。  
膾餘餅罄風鳴牖，睡去還應夢舉樽。

借遊

循大道兮意維何其直，如髮平如掌。  
春秋佳日思良朋，安步絕勝玉珂響。  
遠山近水有新容，天碧雲淡多朝爽。  
談未盡興攜手遊，森羅萬殊任俯仰。  
人生得志非富貴，誰識無悶在林莽。

報歲蘭

雙莖爭報歲，孤客怯逢春。  
詩境皆儲怨，蘭馨輒慰人。  
絃歌鄒魯化，煙雨鵲華塵。  
或可重相見，搖光復指寅。

贈中國醫藥學院

三才古聖溯同源，萬象森羅指掌言。  
日月運行天有序，陰陽營衛體常暄。  
時潮決岸堆沙礫，文獻無徵嘯鳥猿。  
二十年來終不讓，仁人崛起復農軒。

正月初八立春已近上元燈節

大寒街過便回春，又見鼇山燈火新。  
樵爨朱門歌管早，東風只為荷鋤人。

遊山歸來

萬嶺松濤落澗寒，芒鞋踏月碧雲端。  
歸來看屋山如在，思詠橫空不可攔。



春草 指佞含羞二草名寓東西文化

春意滿滄洲尋芳策杖遊東皋多指佞西鄙少含羞總為  
時風偃何曾野火留思瞻大同界不欲畫鴻溝

索詩

避債無臺鬢已絲錦囊儲滿是償時鳥鳴花放春先到不  
恤高齡也索詩

五代史書後

五朝王業槿花開宇宙茫茫人未來叱咤風雲多絳灌不  
生房杜一分材

聽唱彈詞猶存固有禮俗

西風瑟瑟憶秋深  
歲晚依然噪五禽  
竟有荒村夕陽下  
盲人鼓唱上天心

讀稗史

帝賊何人解正名  
董狐今沒問持平  
稗官難枉莫須有  
倚樹讀來條不鳴

屈院士萬里註經未竟瘞恨以沒哭之三首

方寸炎秦火蓬萊有洞天  
異端純叛道屈子欲承肩  
咄咄人間事悠悠地下眠  
知澆萬壺酒難以慰重泉  
九十杖無力心飛思撫棺  
文章天下有道義古今  
難老淚盈襟落芳聲一指  
彈空餘書帶草留與故人看

松柏有本性君才生不時  
羌胡宗庠教天地少人師  
夕照雲初歛幽蘭露未滋  
云亡榮典重泉下莫能辭

慰眾

趙有連城壁陳儲萬斛糧  
同歸秦一炬誰與卜存亡  
空鉢餘瘋衲鳴琴厄素王  
何勞子路愠天眼自高張

子好頌言人譏曰癡

西顧有思

西蜀八年狩扈歸吳苑  
時山隨大江轉舟載夕陽  
遲故舊浮雲散墳田蔓草  
滋喪家今更久無信事應知

春晚

殘月朱霞晚氣清  
羣芳湛露向春榮  
東山杲杲日初上  
近

宅高林先鳥鳴

先鳴

高齋爛爛讀書缸  
枕上朦朧夢裏腔  
先有鳥鳴山吐日  
蟲聲滿院後開窗

前月老友張齡以詩遙壽突聞辭世哭之

壽相心無著  
蘭言道有親  
翰香還襲袖  
愕訊竟離塵  
文獻天何厭  
知交夢自頻  
難將盈把淚  
遙寄洞庭春

聯文之學湘省為冠  
曾左後張齡獨擅憶之

文章曾左後  
傾倒獨張侯  
品藻一峯立  
辭源三峽流  
雲停濟南郡  
雁唳岳陽樓  
此意無人識  
黯然髡白頭

十年今之學者多不能辨四時也

博士堂堂已出奇太平西渡又求師十年回首勤修業幾箇方巾解四時

塞下曲

雪殘沙白朔風過戍壘嚴更獨荷戈天似低平山似遠笳聲歇後月明多

己未寒食西顧

寒食他鄉四十年霑襟依舊念墳田首邱能在王師後瞑目無拘骨肉前老眼看花遲有恨山居插柳淡橫煙東風雖綠神州樹不與黎元解倒懸

掃墓節

古禮經居首興邦道有尊踏青多士女未解酒澆墻備具  
無量義真成衆妙門追思民德厚一綫若亡存

清明霽後郊步

又作清明客愁襟似去年青郊過舊雨曉日爨新煙西陸  
遲鴻雁東風掃墓田不堪桃柳陌步步寸心煎

登臺

客到清明怯春臺不自登勞君挽左臂勉力躡高層湛露  
草盈碧含煙花欲蒸夕陽看更好何處是金陵

桃溪春霽寄恨

桃花霽朝雨繞水夾新紅尚有殘霞在難分一色融文章  
彭澤後天地武陵東世正揚秦帝應來避暴風

遣愁

絲管宣湮鬱吟詩遣萬愁何妨知遇少聊為識真留阿氏  
月空到明皇宸豫遊見聞皆有分六趣不同眸

留客

孟夏天已長清談覺時促興至將若何留君酌樽醪國人  
迷文獻罕見今有獨素心冰在壺山立身如玉感慨予亦  
言放懷無拘束巖棲非廟廊左右從所欲良會難再逢黃  
昏應秉燭

天涯春怨

有笛誰能唱玉關  
楊柳新天涯猶戍塞  
故國少歸人羅綺  
蘇臺月鶯花漢苑春  
荒寒餘蔓草一念獨傷神

鳳凰木

鳳凰樹開蝴蝶飛  
幽賞臺南復臺北  
交夏百花半未殘  
惜春餞春人若織  
蕭齋過客盈四隅  
邀我同遊壯行色  
好懷雖感老難隨  
偕送離亭歸日昃  
息焉遊焉各自然  
突兀夷俗相促逼  
百工婦孺慶典繁  
每欲守時少羽翼  
由來佳節人思親  
天下萬殊一胸臆  
清明掃墓除換符  
奚待適鐸徇路飭  
泥鋪槽心實達  
結納聞達興雞肋  
擊磬問津愧非



才冥飛深羨鴻避弋前朝惠政曾勸農畝草茂無稼穡  
虞舜五絃操南風阜財解愠民不識

海濱遠眺三首

洲五飄如葉冥濛際不知龍宮儲佛藏仙島聚安期難信  
滄桑變誰籌日月移風濤何處去浩浩匯天池

早知洲有岸未解海無邊湧浪環衝地清虛近貼天高飛  
雲外鳥潛躍水中鱣萬象渾淪具玄通大鏡圓

溟滓無南北驚濤闢藻蘩蛟龍爭割據魚鼈喪黎元戰鬪  
物皆有怪奇書罕言人間天不弔海內手誰援

文體二首

時尚中西文語混雜成篇

五味有偏嗜何須言語爭只愁離正氣貽誤入旁生天賤  
芻為狗池訛石吼鯨石芻猶假類不類莫欺名

由瑟聖門擯鄭聲如佞人金絲終有調蛙蚓定非鄰不解  
冶長罪徒勞吳季塵中和天地籍何日育羣倫

夜窗聽雨

芭蕉喧雨響空庭孤館昏燈隔幔聽此夜旅魂非棧道淒  
涼何處奏淋鈴

摘蔬

羊羹魚膾厭腥羶籬豆絲瓜味自然日摘饕飮捫腹樂清  
芬換骨欲飄仙

蝴蝶

綵斑非是老萊衣  
隨處有花隨處飛  
曾向南昌為過客  
滕王閣畔悵斜暉

聖德

聖德如天古帝堯  
無將富貴逼由巢  
漢唐開國傷仁恕  
不許賢才卧草茅

柳川阻雨有憶

孤館雨瀟瀟  
烟中柳萬條  
人稀燈火岸  
水漲石欄橋  
高詠流雲住  
相思曲陌遙  
難將玉壺酒  
對酌話深宵

詩塵

海色風來壯詩塵亂後多樂憂心不起天地氣中和萬事  
分明妄羣生可奈何看誰五洋水一按止揚波

梅雨

連絲三島黃梅雨落莫矮檐白髮人隔牖聽蛙鳴草砌鈎  
簾待燕語梁塵遲晴麥潤齊翻浪迎午榴苞促綻唇農事  
天時都昧昧疏慵朽老更難勤

明湖飛絮憶舊

湖光柳色兩無邊一棹中流詩畫船飛白文章誰手筆雪  
花飄下碧雲天

繅絲

朝中將相錦羅袍  
村舍蠶窠各自縲  
抽賸一絲仍是繭  
依然湯鑊受煎熬

觀樂

詩成自誦自援琴  
萬籟神聽治亂音  
繒裂偏娛施妹耳  
磬餘能識聖人心  
胡笳羌笛何由主  
玄酒朱絃尚可尋  
誰補荒天歸雅正  
三歎終不任升沉

端午吊屈子

屈子與余生年同為庚寅

索居逢午日開卷  
悵庚寅濁世仍沉  
醉清湘不染塵  
投詩蓬島上寄淚  
楚江濱同曆何生  
我艱難愧古人

橫流

辭源塞不住，汜濫成橫流。雲外似星繫，摩天蕩羣漚。所思  
拯民溺，四顧無楫舟。奄鼈氣交感，蛟龍皆競酋。千村萬城  
郭，汗漫恣其遊。疏鑿工未滅，陸沉非昔由。我心在人世，九  
十何所求。安土訪時彥，才難周孝侯。橫議亂世感言

夏五月山居

嶺峻雲在上，瀑垂澗流湍。松篁色藹藹，遮徑春花殘。林木  
動微響，風來天不寒。此間世情少，暖日融丘巒。青鞋新若  
笠，抱膝吟石磐。

慰離

離亭揮手去，三臺異域風。光不欲猜，且記休看天上月。堤

防無事送愁來

辭教

麈尾驅蠅亦拂塵  
讓賢高揖退庠門  
文翁去蜀從心好  
七  
二泉南讀魯論

臺北情人廟

祀司馬相如卓文君旅美華僑建也

一曲琴心引鳳凰  
長門賦買舊專房  
周公寂寞文君笑  
天  
與瑤臺享禘嘗

此際

陰霾混沌三千界  
碧海狂濤一百年  
何幸我生逢此際  
來  
遊盤古未開天

天涯

人世輒離別天涯愁色生  
室家從團聚安有天涯情  
巷無千金賈門絕冠簪  
纓寒絲暑短葛飲鑿餐  
自耕花開眼中慣  
葉落心不驚澗邊偶俯首  
水底霜雪明  
莞爾啟期陋尋常何足榮

夜讀

境寂似無我芸書夜生香  
眼勞心不倦莫負青燈光  
四夷亂華夏文德安陶唐  
掩卷長太息開軒獨徬徨  
羣蛙噪殘月冷露濡衣裳  
天地悠久運啟明自東方

炎暑貯冰僧過清話



暑氣蒸人冰貯壺頓教方丈一蠅無僧來不厭瓜寒齒日  
午猶堪香蕪鑪蒲扇停揮閑淨士天花想像繞文殊心空  
檻外紅塵滅我與羣生病欲蘇

嚴更柝聲

斜日勁西風蕭蕭萬木落憂思溯陽春桃李滿城郭絃歌  
集鴻儒翰苑棲鸞鶴海氣襲蓬萊文光已非昨夜色六十  
年八音久寂寞墟里三兩村嚴更一聲柝

宇宙觀答學者

地球擔滴水芥子明月鄰所納洲島聚七分金粒塵星雲  
萬千億生滅速轉輪語顯無可盡語微我及人顯歸空鳥

跡微則難與陳垂名留皮業曠野傾水銀迷時有明暗覺  
後無冬春覺心當前認言說都非真

索居

遊人慣索居久悟寂中樂默坐聞異香茅菴非蘭若欲持  
贈素心嚅囁語多錯始知此間言一字不能著投筆捲珠  
簾遙天看月落

臺中港觀海艦

不似長鯨碧海潮儼然秦嶽北溟超十年鎔鐵堪衝浪萬  
里乘風欲度遼日月升恒初鶴紀雲霞蒸蔚聳仙嶠時來  
看展飛龍翼雷雨蒼生震九霄

幻想

處處黃金同瓦礫  
人人長壽若松喬  
不聞天壤邦無道  
等是羌戎俊在朝  
一德一心朋與友  
三推三讓舜承堯  
禮門義路乾坤治  
海晏河清風雨調

更新

狂夫搔首悵斜曛  
生我違時愧典墳  
從此不言天下政  
加年重習古今文  
遠非應近煙霞佳  
知止能同猿鳥羣  
洗硯澆毫除舊染  
江山風月寫清芬

護念生物

蜂

滿天飛燕輒驚心  
百里芳菲日苦尋  
羨爾養羞能早計  
翻愁人巧暗相侵

燕

竹簾無客為山開  
野徑銜花燕子來  
秋社南歸巢代護  
寬心度歲早春回

鱗介

惆悵伏犧羅網興  
鼉鼉龐大力難憑  
長江不及黃河好  
朔雪三冬十丈冰

兔

自是嫦娥舊友生  
勞心三窟最多情  
廣寒招手難遂去  
只

恐來朝走狗烹

雁

咄咄羣飛愧不如依然振翰寫清虛  
衡陽塞北休行獵留  
住人文一字書

重遊藍居士別墅

今度重遊似舊時只添錦鯉躍清池  
垂楊却著午風冷紅  
藕浮香斜日遲坐久不忘身是客  
茶多也可壁題詩故人  
慷慨無盡意願與春秋約後期

雪廬吟

雪廬暗香溢如雪花在并良久無客對之不伶仃可啜

凍頂茶自烹非樵青憑几開書帙朗吟共芳馨吾廬得三  
益迥異劉郎銘始旦升紅日絕勝子云亭南陽吾豈敢淡  
泊師典型

薦故友屈翼鵬抗日時同寓重慶

巴州同作客回首似鄉關雨歇霧屯野鶻啼花滿山前塵  
歸夢寐素月落臺灣蕉荔薦豐潔魂來享此間

羣言

羣言虛妄一齊拋周易何煩演六爻此際鬚眉驕我相多  
番生死入厨庖風開霄漢雲歸岫樹滿丘隅鳥有巢白馬  
游魚從掩耳任他整暇日叟叟

貧樂

纔知峻德在清貧，難把昌言付解人。  
荆楚今非和氏璧，蓬瀛俱是四夷賓。  
能無催稅掃詩興，幸免折腰傷性真。  
如此還天雙白手，超然拔地萬紅塵。

讀蘇東坡集後

風雨波濤筆燦然，髯蘇堪並古人肩。  
談諧不遜東方朔，豪放還同李謫仙。  
對晤姑言墳裏鬼，隨時常在水中天。  
嶺南荒邈今非是，滿地經書口塞絛。

辛亥續鈔中終

雪廬詩集

稷下李豔炳南著

辛亥續鈔下

選美中選

美女邦家寶西方澤有源玉顏天下好后冕座中尊深巷  
遊人滿華燈笑語溫縱然看不死只恐借招魂

吾志

我志無人識捫心只自知憂深隨手寫事莫向他咨試看  
關雎解尚攻毛鄭疵能空興怨盡投筆絕吟詩

讀窮後詩工語自笑



早得貧中樂，獨愁詩未工。  
冥頑虎丘石，戲謔醉亭翁。  
僧滅頭曾點，酒醒窗已紅。  
年年春爛漫，猶自覓西東。

秋意早

梧桐葉未落，秋意滿空庭。  
猶漲江淮水，恐愁牛女星。  
佇塔思棄扇，捲幔任流螢。  
七夕誰家近，朝朝倚畫屏。

晚晴

山出霽雷雨，月涼秋半輪。  
客孤梁有燕，簾捲室無塵。  
萬籟俱緘默，羣星與結鄰。  
南風今不競，天地自清新。

立秋節前新涼數日

爽氣秋前入，先施名欲藏。  
風高遮不住，時至闔然章。  
河上

星遲渡巢中鵲，預忙從除雙夏日。天下得清涼。

己未閏六月十五日夜

今夕是何年，心盲欲問天。名同雙陸戲，時中二宮絃。瑟瑟新秋立，炎炎大暑遷。斯須雲物異，君子慎機先。

閏六月十六日適西曆八月八日俗呼父親節

雙八稱乾父，六爻無母名。經書塵沒滅，夷夏日枯榮。陵谷村三里，溝潢水一泓。不知川匯海，山嶽向天橫。

己未七夕前望月

短鬢伶仃羈遠遊，梧桐階下又聞秋。往還回首江陵月，不似瑤臺掛玉鉤。前入蜀十年來去皆泊江陵去，上元歸中秋。

竹聲

半弓幽僻小林泉，叢竹搖風破午眠。  
借問誰家詩思少，數竿移去植窗前。

看電視機國劇

非今非古說應難，且把茶甌一笑看。  
是假是真留不住，眼前憂苦眼前歡。

答詩僧

詩裏有僧如水清，僧能高詠落凡情。  
詩境應從禪境入，禪心不許與詩爭。

候蟲

釣鼇人已騎鯨去  
天地蒼茫莫問詩  
總有候蟲長夜語  
秋風瑟瑟雨絲絲

冬嶺秀孤松

羣山積雪玉為屏  
疑是仙人姑射靈  
萬里雲天同皓色  
層巔矯矯一株青

客中聞秋祭

墳墓久荒歸採樵  
天涯已近故鄉遙  
胸中塊磊無能盡  
每借吟詩當酒澆

七夕前連宵驟雨

秋霖如瀑陸成江  
天瀉銀河為七襄  
烏鵲縱然橋未架  
渡

頭清淺可褰裳

乞巧

穿鍼瓜果語繇蠻萬戶中庭乞翠鬟上界神仙無甚巧一  
年耕織一天閑

秋曉

露草人行少晴臯鳥有羣殘鐘歇遠寺旭日出寒雲鱸膾  
思難去木樨香已聞明朝無意緒蓬島又秋分

思雁

孤鳥從無雁客愁徒自增涸鱗思北海鍛羽化南鵬紫塞  
沙千里碧天秋幾層纔知不如鳥時及任飛騰

軍人節

塵封魚匣劍龍鳴  
捲袖摩挲萬感生  
猶憶彈歌風四壁  
欵然搔首雪千莖  
河山未復誰能老  
血氣方剛好請纓  
羨彼壯年身衛國  
渭濱釣者早知兵

時風紀實

五洋翻浪鬪龍虯  
竟決堤防引逆流  
多士彈冠歌雨露  
兆民滅頂插田疇  
同文書改蟹行體  
共語音宣蠻判喉  
聞道鼎新先革故  
從今糞掃夏商周

七月十五霽後夜醒觀月

涼雨連朝雲密生  
殘宵月色一窗明  
披衣似與故人對  
照

我偏垂孤客情  
燦燦稀星圍北斗  
蕭蕭遠樹度秋聲  
雖非無境超塵外  
心已寒潭落水清

老友趙生重過留舍

清秋時湛露  
晨桂花風裏  
來故人開北軒  
鋪錦茵  
瓜果肴酒香入脣  
我能歌詩助逸興  
坐聽可以心滌塵  
論文分韻思往日  
艾鬢朱顏今各易  
共居孤嶼三十霜  
春樹暮雲人兩地  
世間萬端莫非緣  
枯木著花重把臂  
勸君慎勿輕言別  
投分披襟已無多  
聯牀促膝吐積素  
幾見瞿唐成澗河  
君雖攜家非故里  
我逐漁樵同笠蓑  
鄉音楚音兩足貴  
風雨滿天喜誰過

靜夜詠

半囊開天鏡，深夜東南隅。  
霄漢湛若水，風高片雲無。  
清幽不能寐，坐倚松一株。  
秉燭難及此，影隨客非孤。  
林疏淡煙遠，絲管奏新都。  
東海接襟袖，神仙在蓬壺。

恒河

傷釋門今著各言多背經義

靈峯埋蔓草，祇樹杳秋煙。  
比目能興浪，無腸竟唾天。  
十方文字淚，萬卷野干禪。  
重問西來意，波旬有別傳。

深省

秉燭何為者，昏途九十春。  
讀書思過半，落筆語難新。  
愚蔽空文藻，老來知古人。  
垂帷欲溫故，惆悵望前塵。



讀隋書

陳煬邦家隋煬償江都誰識舊宮牆  
高公空有太公智能斬麗華無補亡

埔里觀音山觀瀑二首

碧山懸瀑疊千尋隔岸噴珠賤我襟  
歸到溪流仍作響衝崖轉石有雷音

誰闢連山兩地青玉龍天半吸滄溟  
眉溪便是蓬瀛水不美朗吟飛洞庭

閱藏室

芸氣縹緗圍作城緇衣無語有心聲  
瓊林未識象千味鷲

嶺初聞獅一鳴皓月當天隨水印飛花鋪地與牀平縱然  
禪悅非文字不廢羣經眼底明

西曆十月五日值我國中秋節

逢節他鄉慣年年未減愁書空雁橫塞酌酒月當樓香影  
無梅訊金銀簇桂頭假時天不改依舊是中秋

中秋大坑山莊賞月三首

初上月昏黃羣山夜色涼中天開玉鏡無地不秋光  
回首溪山在冰魂不染塵知交莫錯過萬古一詩人  
緩步歸城巷樓臺鼓瑟笙舉頭再看月不似在山清

八月十五夜望月

明月如奇文千看不厭倦文或人不知月能羣類見孤島  
羈歲深琴書無親眷今宵雲盡收玉魄碧空冒流光若垂  
青慰藉相晤面露寒樹蒼蒼萬里秋一片持心寄光中西  
轉入禹甸

友來話夜 友隱於酒者

亂世君能達惟留賢聖名窮居余不濫瀟灑水雲輕風雨  
時來往連牀語盡傾興衰空自歎扼腕眼同明

欲書 廡有尸位塞賢路者

楊柳池塘閣寒山風雪斜官蛙崇廩粟孤鶴守梅花北海  
邕無主東陵畦有瓜將歸欲書怪投筆望天涯

國際時尚

天下趨功利官家擯老成  
金銀皆有物道義是何名  
歲月長憂國戎羌不厭兵  
時豪知在位芻狗視蒼生

美國總統卡特違憲與我廢約絕交  
參議員高華德仗義訴訟理申

海外今高士西方作鳳鳴  
魯連鄰左右董史筆崢嶸  
天地培元氣人禽復正名  
春歸雷遠震普雨綠皆生

又

忍喜頻西顧心香一瓣輸  
耆賢利天下曲士議村墟  
肝膽非同有龍蛇各自殊  
來朝報德怨搔首欲何如

知遇

詩興愁偏掃，愁多詩有痕。  
隨時求自遣，無意向人言。  
日暖花迎笑，風輕鳥集喧。  
靈犀通萬物，彩筆不煩冤。

絕遊

前詩謂室有三益，今言不同。

我室何所有，如來書與花。  
心息塵不起，眼明通知遐。  
蘭蕙潛送馨，麝詩吐奇葩。  
靜觀皆師友，俯仰思無邪。  
開牖入晨鐘，夕扉絕歡譁。  
隨時增三益，不必遊天涯。

己未重陽雜詠四首

荻蘆蕭瑟滿江關，孤雁秋風尚未還。  
短髮時搔非落帽，心隨斜日念家山。

夕照東籬山有痕無人孤館勸芳樽菊花為客誰為主九

點秋煙我稷門

九點煙唐李賀詩向齊之歷山周匝列孤山九前人立坊題曰齊煙九點

登高一覽塞山青海外茱萸客九齡羨煞南朝憂國淚臨風灑處是新亭

歷山風雅夢痕殘尚憶題詩滿翠巒秋色鄉關等閒度今無一似始知難

秋籬賞菊二首

人工造菊四時皆開于不觀之

宛然名畫亦新詩紫豔黃華各見奇更羨獨超塵境外一年佳氣在秋時

東籬延佇曉風寒佳色湛湛露未乾一自非時矯虔後無

人更解九秋看

展重陽

時如詩者少

一番風雨一重陽  
幾處詩人再舉觴  
莫道催租秋興減  
從來不課硯田糧

客多

老去客不減  
高談風又生  
齒牙天籟闊  
鬢髮雪山明  
竹密留雲住  
花開結鳥盟  
往來多自在  
疏慢少趨迎

茶興

詩似不速客  
茶酣飄忽來  
俗氛千仞壁  
遐想五丁開  
樹下提新井  
簷前洗綠苔  
八义有奇士  
七碗愧非才

達觀

淆亂今羣語風裁昔哲人更無書可讀惟有月相親雲漢  
難邀飲心香已結鄰達觀隨處好不獨樂陽春

答學者問

行似雲間月言同水底天  
命雖由玉帝性本是金仙  
邈邈三祇劫空空一指禪  
其中無所有強與話蹄筌

不知

庭退學詩秋復春斯文殘闕久無鄰  
不知邦國千年後雅頌鳴時得幾人

觀時五首



美人酥體綺羅裳  
金地球宮白象牀  
飽厭猩脣熊掌味  
未沾鄒魯六經香

天下黎元利厚生  
瓊樓佳麗夜調箏  
明朝雲路繁車馬  
萬國觀光頌太平

游女車借吉士來  
肆中遊徧復樓臺  
萬方同樂人平等  
路不拾遺戶夜開

家絃戶誦試牛刀  
鹿馬思齊憶趙高  
儘有提琴急如雨  
未聞師曠教鳴鼗

莫愁白骨遍郊原  
深澤掩骹東郭墻  
西伯升遐仁政在  
陰陽協理正乾坤

桐樹

誰栽桐樹覆清陰  
雨露幾經高二尋  
晴晝移牀閑讀史  
良宵待月坐彈琴  
長看秋色多佳日  
喜聽齊蟬忘舊林  
最是霜天飄落葉  
祇園滿地布黃金

知己

欲辨經書悔已遲  
未明古訓少新知  
臨文每作淵冰想  
或恐粗疏悞入時

谷關攬勝雜詠

觀瀑布寄意二首

宛轉飛濤落九垓  
從教人世洗塵埃  
清流不受遮攔力  
萬

疊峯巒兩壁開

千山化作萬重山折澗湍鳴去復還地似中分天未裂長  
虹掛在半雲間

觀音巖二首

潮音洞在白雲間隔岸遙瞻禮聖顏借問何時超渤澥挾  
來南海普陀山

山嶽多由名利傳九分詩境一分禪今非古佛來應世孤  
負遊人李謫仙

八仙下碁臺二首

聞道爛柯碁未休八仙多局幾千秋誰先罷手乘雲去勝

負俱隨澗水流

風過猶疑落子聲  
飛花臺畔任縱橫  
時人黑白皆無眼  
迴異神仙兩不羸  
餘一子雙方不着曰神仙過

重遊谷關詠歸二首

回峯天共轉  
衆聲水交流  
鴉噪松篁晚  
客稀煙靄浮  
重來多不識  
臨去小淹留  
舊雨誰還至  
前塵二十秋

從吾二三子  
歸路發高歌  
器識才堪用  
蒼黎志若何  
看山作霖雨  
樂水浴沂波  
不羨霓裳曲  
羣仙詠大羅

讀王禮卿教授詮證遺山論詩

水止月圓隨處觀  
年來眼老始知難  
空遊五嶽仙何在  
無

術尋求換骨丹

野寺

當門石徑夾蓬蒿，松檜陰疏翠未凋。  
深殿塵封隨地立，斷香灰冷幾時燒。  
角樓懸鼓蛛添網，禪院無僧鼠鬪窠。  
外壁猶多塗粉墨，遊童半似畫漁樵。

讀題壁

清絕能如許，疑非當代人。  
詩留名姓隱，牆舊墨痕新。  
月魄常韜晦，冰心不染塵。  
徘徊去復返，幾度誦陽春。

贈名書家

時倡國字改拉丁文

翰墨由來寶，仙臺獨有君。  
臨池恒十載，入木已三分。  
蒼頡

昔過客拉丁時尚文黃庭寫萬卷難以換鵝羣

守默

日出雲常蔽春歸鳥不鳴天高民是耳地靜籟多聲有國  
增新亂無人信舊盟看誰開醒眼頓悟釋佳兵

思古

漢武堪為百代雄秦皇器小語難同蒸民禮樂三千歲不  
是輪臺悔後功

片雲

凭几獨長吟片雲來竹林豁然詩有助豈曰物無心此道  
亡已久新交言未深開軒延靄靄何幸獲知音

竹

滿院煙霞氣四時  
風雨聲暎青無主  
在畫境自胸成  
宴坐禪能寂  
幽居志更清  
南天蒸溽暑  
林下袖涼生

讀史

新聲蜀道雨淋鈴  
夜色淒淒不忍聽  
君王回首開元世  
悵望江天祭九齡

補屋

茅檐新補失幽姿  
雲不停飛月到遲  
栽得數竿修竹後  
半階清影一窗詩

四十年前秋寓漢上與傅覺夢強小競潘第雲諸子

雅集曾作畫圖今檢篋偶得感而題之

漢皋今昔雨茫然雅集分明几席前  
萬里鄉關人倚閣一江秋水雁橫天  
西風宛在黃花圃造物難回白髮年  
作畫題詩隨處戲癡心竟欲駐雲煙

戲答故人乘興寄詩二首

黃葉窗中曉讀書烏啼霜月下階除  
敲門忽訝誰來早言有新詩寄雪廬

得句真同上九重搏雲震電躍飛龍  
幸君不住南朝寺尚未驚人夜打鐘

合歡山雪遊人以詩過談贈之



騷客合歡山上來告余羣峭雪花開詩葩六出皆天韻前  
後難分屈宋才

望合歡山積雪乃予課生之詩題有以白象喻者意  
新句澀采而詠成喜能啟予

峨嵋西望未能攀何日飛來不復還又似普賢兜率去長  
留白象在人間

霧社觀梅憶旅美鄉人徐石上

霧社梅花早天涯欲寄春他山依故我西域念鄉人詩思  
東風樹心香落月鄰願聞君子德龍馬健精神

己未冬至月當頭

寒宵散步獨披裘  
一院清光似水流  
天地茫茫往還少  
百年容易月當頭

己未大寒節

時國際醞釀世戰縱橫不定

嚴寒襲孤島  
曉起不添裳  
淑氣蒸東海  
殘冬沒大荒  
天機一弱綫  
國步九迴腸  
珠樹蓬瀛好  
春禽任集翔

立春

昨日冬何在  
餘寒尚作威  
雪消山未笑  
梅瘦薺初肥  
禹甸傷春入  
天涯阻客歸  
遙憐故親友  
久采首陽薇

時近歲除久陰

年近長陰晦  
天高已忘晴  
羣商喧午市  
寒雨灑春城  
愁逐

桃符換青隨臘鼓生終開新世運白日萬方明

庚申花朝自遣

島溆重浮島仙鄉盡是仙山春花對笑水暖柳搖煙有國  
累烽火忘機開洞天青城留閱世白髮莫愁年

詩必作多始知其難答諸生

賦詩觀海事攸同今古奇才未易窮浩蕩五洋寧尺度流  
傳幾首奪天工要當乘筏衝溟渤精勉濡毫擬國風萬卷  
絃歌還隔岸不嘗鹹味總虧功

春社聯吟後客歸

春來償債結騷壇詩各盈囊客解船花半顏開雲半去酒

還香在月還圓浮生三萬六千日幾輩殘餘七十年會合  
別離隨所遇等觀無事不陶然

津渡迎友從日本歸來

迎送皆弦上翱翔一鳥飛天隨溟海遠帆掛塞雲歸懶問  
他邦政愁消此地違及春好行樂處處正芳菲

偶憶

明月上東樓笙歌幾處愁秦淮今夕水誰在畫船頭

中樂久崩聞遠有弄笛者感焉

夙昔深所好今聞尚欣然宮商宛在袖哀怨來遠天風過  
忽吹去遏停白雲邊村笛即韶樂齊獨承薪傳當食忘肉

味逸思為其牽恍疑接故好異路殊纏繇戎狄聲奪主雅  
言熄歌絃延陵觀何似青塚沒狼煙人獸皆走壙將歸渾  
沌前原燎乏杯水決河無楫船不攀萬丈梯詎肯酣酒泉  
野叟多少恨擊壺看柳川

鳳凰木花

三四月之交始花開後即無寒天

春寒今始去鳳樹吐新花妝鏡開曉日漁舟炊晚霞何殊  
岐下鳥來止海東涯安得金都裏歸栽十萬家

倚鳳凰樹憶鳳凰臺

古寺曾遊認鳳臺九苞應向秣陵開謫仙懷古題詩去未  
必他年不復來

幽居暮春

茅齋春暮捲疏簾  
花倚牆隅樹繞簷  
木筆書空天誌怪  
榆錢滿院地傷廉  
幽居待鳥同丘壑  
孤客勞人問米鹽  
風物四時猶感慨  
脫然行素愧陶潛

遠避

遠避文壇久幽居  
野趣生不才無可盡  
素業亦浮名水闊  
天容碧山空月色清  
風林流雅韻好鳥日嚶嚶

立夏

軒窗開四面萬象眼中明  
樹色殘春綠山光首夏晴  
日長書欲困秧滿鳥還鳴  
不信唯工巧人間廢讀耕

端陽 候值麥秋

榴花吐火竹搖煙清影遲移晝不眠  
風物似秋光似水端陽佳氣日中天

論語講習班成立誌感

道統五千載崇朝今古分書刪孔尼父  
典祀卓文君歲月逝如水乾坤飄似雲  
何期新舊雨有志樂同羣

論語各疏宗儒而後注家詡有心傳  
每外牽佛老力闢之行成薄俗二首

巍巍夫子九重天豈可輕論示掌拳  
只此穹靈還不識况能無量話三千

堯帝巢由各一方朝廷山野兩徜徉未聞攻伐誰鳴鼓青  
史何曾有謗傷

重印莒志應序三首

甲戌莒志余忝列纂事政府狩臺書盡亡邑人由  
美芝加哥得之影印一部寄臺咸議於臺復加翻

印向余徵序不圖五十年再作馮婦

文獻求徵結翰緣累朝追述到金天槐安已杳應無夢醒  
後還如未醒前莒為少昊封國城中有城陽王槐

信是文章護有神芝加館裏墨痕新此間皆謂蓬萊島疑  
在故鄉歸故人臺省咸稱仙島



五十春秋我獨存，  
雄風聖跡檢書論。  
他年展墓應垂淚，  
泉壤多添突欲魂。  
大陸改行馬列

立秋夜窗聽雨

棲禽歸暮雨涼意，  
浸空庭蕭颯籬邊竹。  
淋漓屋角鈴長風，  
挾秋至獨夜隔窗聽。  
應洗羣山碧，  
明朝望野亭。

電視機普及閭閻國劇節目僅存禮俗

興悲淚不乾，  
時或仰天歎。  
慧眼當前事，  
愚人作戲看。

七月十五夜瞻禮盂蘭盆會

今宵盂蘭會，  
山月滿輪秋。  
常願臨岐照，  
何須秉燭遊。  
深微川上語，  
晝夜水東流。  
諸法心空寂，  
能消萬古愁。

歸途待月賞秋

歸途藜杖住倚樹坐斜陽山氣橫秋色溪聲送晚涼谷遙  
雲獨逸村近鳥先忙欲盡遨遊興青天待月光

西瑩

西域流螢少一囊來遠朋國庠秋永夜盡作讀書燈

沂水舊志邑十景殘蝕二首徵補有序

沂水重修志乘舊有十景詩殘二處徵余補之一  
石漏凍巧某村溪之河牀冬令滴水結冰如鐘乳  
作樓臺花樹諸形陽春方解二鳳仙春曉鳳仙流  
邑名山有玉皇廟金星閣皆宏構古洞山瀧匝繞

夏秋洞出霧靄冲霄日龍掛白則雨黑則風

琉璃世界玉山頭琪樹琳宮滴水修不獨公輸難運巧兼  
勝蜃氣結空樓

玉洞銀河繞九重金星花簇擁芙蓉秋風夏雨皆時若瑞  
靄冲天護二龍

久旱大雨索居遣興

山雨瀟瀟夜色涼  
拚花書卷伴行藏  
秋陰閉戶人逾靜  
睡去吟詩夢亦香  
雷電收鳴開曉靄  
郊原入爽歌春芳  
違時不遠天仍近  
老興猶堪縱簡狂

祝明倫雜誌十年百期二首

茫茫四塞蔽胡塵  
禹甸堯天雨露新  
禮運萬邦俱不識  
臺中高士獨明倫

十載高登百尺竿  
於茲進步更何難  
緣生自我無他祕  
捧出心來與佛看

庚申中秋夜節適秋分

禹甸蒼蒼海月生  
高風零露碧空晴  
平分秋色從今夜  
一片冰心照萬城  
似浴銀河人在水  
應持北斗酒澆羸  
遙憐天下流光裏  
知有吾僑故國情

題江逸子畫九首

秋山行旅

碧山紅樹畫清奇  
路轉峯回不厭遲  
試暫停車問驢背  
行來各有幾篇詩

肩兜回峯

遠近高低躡白雲  
峯藏樓觀望氤氳  
肩兜便是同游客  
謝屐何曾獨出羣

鳥道驚瀧

瀑疑銀漢斜垂地  
徑似雲梯直上天  
登華難添韓吏部  
望廬應畫李青蓮

秋江征帆

宛然三峽列蒼巖  
岸有濤聲樹有杉  
雲去天高秋色裏  
江

城萬里渡征帆

山樓訪舊

江天曠遠入清秋乘興携琴訪舊遊  
纔過長橋看樹杪巒峰轉處半藏樓

霜林晚照

檢取丹砂畫紫楓清秋先在翠微中  
任他城郭花多少只愛霜林夕照紅

囊琴聽泉

山水清音韻自然囊琴不復叩朱絃  
澄心一處聽天籟萬壑松濤落澗泉

入山校經

層巒疊嶂匝如屏，深處無塵可校經。  
識得詩書香味久，人同松柏歲常青。

新月

雲破天開幔高懸，玉一鈎蒼冥連靄碧。  
銀漢帶星流何處，餘蟾桂非期憶女牛。  
吳剛斧力盡李白，手痕留東閣疑殘。  
夜西山沒半球黃昏鴉未宿，絕塞戍仍愁囊鏡掃眉黛。  
臨江橫葉舟兩弦光不晦，四運象涵秋圓闕。  
寓深意神仙爭易求，廣寒清淨府或厭俗人遊。

庚申九日校史

重陽東壁萬重秋寫到新亭淚易流四十年間皆國恨三  
千里外作詩囚菊開誰就田家飲木落霜於客鬢留擲筆  
登臺山滿眼西風草偃不勝愁

賞菊

萬般秋色一畦霜瘦自清奇淡有香解道超塵不宜衆春  
臺任去禮花王

傲霜菊

夕陽山麓小汀洲菊傲霜天晚節適獵獵金風吹不落詩  
葩逸氣兩橫秋

自答



顏齡內省尚顛狂，清夜捫心枉自傷。  
每欲隨緣多懺悔，未聞何刹可焚香。  
扃扉幸有詩書誦，改過難同日月光。  
若肯不言天下事，無師亦似學溫良。

遁禪

騷壇收拾作禪翁，灑掃焚香力尚充。  
蔬食更無人獵酒，蕭齋還有竹吟風。  
塵沙清淨平心地，定慧氤氳遍太空。  
今昨皆非亦皆是，大千諸法本圓融。

美國四十任總選，有革鼎象

三豎杜尼卡  
華林謂華盛頓林肯

大國終能悔，共扶風雨船。  
萬邦誅烏鼠，三豎辱盟壇。  
錯枉雖云晚，摧輪可鑑前。  
華林多盛德，願勗後來賢。

卡氏冀聯任以最低票落選

天遠恒聽視民心不可欺非情殊好惡無政補瘡痍爵祿  
仍詔禱高明寧肯私徒窮狐伎倆嗟爾下場遲

十月早梅

三度重陽後又逢陽月春隴頭梅已放天下象更新白雪  
香千樹東風結遠鄰年年勞驛使排遣久遊人

十月三日為小清明余鄉朔日掃墓

桃雨柳煙寒食外梅花十月小清明鬱金能使天涯近時  
節多違壟上情春去山留容止笑冬來晝短日愁傾衰年  
作客帆滄海入夢思家白下城

月光

天上孤輪月人間萬戶情  
開襟誰不有何處是虛明

竹畫書幔

長幔畫修竹還同開牖看  
更疑林下坐無雨夏生寒

野覽

蕭齋夜宴坐世慮俱消沉  
萬籟一時息斯為清淨音  
出門覽野色蒼靄無苔岑  
曠邈迷四極爽然忘古今  
脫雲突見月寂照青天心  
顧盼我何有渺茫不可尋

舊作雜感三首

大羹宗廟饌鐘鼓薦馨香  
不是山村裏吹簫只賣錫

烽火生民淚豎儒非爾知惟堪一樽酒風月唱巴辭  
上下如弦月東西各一方若非輪滅盡安得魄生光

庚申除夕

天上人間除夕同不留熒惑一星紅乾坤清曉重開泰斗  
柄依然還在東

辛酉正朔

五夜村雞始一鳴參差爆竹滿春城龍泉掛壁今休舞門  
外藹如聞賀聲

除夕立春辛酉元旦觀海

風雨瀛洲寄客船梅開樹老幾經年歲朝觀海新添水都

是迎春故國川

旅臺三十餘年多世交歲朝受賀

強持孤客坐如山頓使禮疏難與還且喜通家各昌後暗  
驚羣季鬢多斑

正月十五夜

百城燈火月輪高簫鼓長衢走錦袍不見謫仙天上落誰  
堪直釣六山鼇

懷恩

老去逢春怯檐前樹又高多恩報不盡萬事欲何勞秉燭  
檢青史臨風看寶刀省身餘愧忤未肯隱蓬蒿

董居士病目愈後以茶贈之

喜爾顏無病，低頭憶往年。  
從宜吃茶去，莫再抱書眠。  
黓隸雲歸岫，瞳矐日麗天。  
樓馱借三昧，好與助安禪。

鈔詩贈鄉人

山左文光萬丈高三都，  
誦罷氣雄豪。鈔傳天下，  
非無紙不捨洛陽求。薛濤

落花

連夜蕭騷風雨昏，  
羣芳披靡黯銷魂。  
從今不掃落花徑，  
春在人間長有痕。

饗殮

少年豪放悔傷廉  
補過饕餮味不兼  
付囑庖人應潔治  
盤豐只許菜根鹽

得家書

似有衡陽雁孤飛  
蒞海濱穿雲雙翼健  
寄我九州春數語  
家無恙深思淚滿巾  
難將故鄉事說與旅臺人

故人對酒話閭里

故鄉人話舊山河  
投箸停杯拔劍歌  
使我愁塵鋪禹甸  
如泉酒帚掃無多

懷舊

客久多今雨跡疏  
思故人詩書隨處滅  
風物逐時新搔首

天仍碧塞裳地有塵兩間餘舊業俯仰莫傷神

贈牙科大夫蘇炯峯

齒豁莫愁嘲老翁人間有術補天工疑君學得倉公秘能使瓠犀與佛同

學步胡塵

胡笳風嘯黯胡塵學步邯鄲未是新秦火殘篇能與立堯封正統不憂鄰曾聞巖壑有芳草只恐廟廊崇佞人天下興亡天下事鼓刀非為負經綸

山居

竹韻松陰一院清微風掃地暮春晴家僮午睡鳥頻喚好



客遠來茶自烹  
篔繞疏籬邀水入  
窗臨衆壑看雲生  
依時種菜饗  
後閉戶讀書心鏡明

辛酉海上清明

雲烏晚知歸  
空齋不掩扉  
文章隨客老  
興感與時違  
夾岸桃花笑  
穿廊柳絮飛  
清明三十載  
猶自悵斜暉

王生絳帳世澤繼  
習醫兩洋活人無數  
近皈佛寫經  
欣而題贈

國風齊魯道三變  
君子虛懷有誠明  
昔之姚江今鹿港  
皋比揮麈相崢嶸  
大才未能作良相  
和緩仁術醫羣生  
扶桑紐約東西走  
枯檜枯楊春復榮  
近寫金經付鐫版  
鯤島遙

繼王舍城人間天上無愧怍羨君不息飛鵬程

聞老友王仲裕立委棄世哭之

碩德幾人在又聞凋老成天涯雲掩翳客袖淚縱橫報國  
長紓難辭官不欲名猶疑巴峽夜煙雨杜鵑聲

五十年前同寓巴山

月夕海濱遠眺

海濱延佇夕陽沈欲訪龍宮不可尋萬里驚濤風定後一  
天涼露月初臨狂夫頓息遄飛興戰國寧無寡悔心憂樂  
漫思千日酒滄桑過眼便非今

國文行寫數千年書冊勒石率有舊章近則左右同  
惑經院部會議二十年餘猶未制定二首

文獻多徵事未殊何須立院議躊躇祖功宗德分明在天  
下摩崖四庫書

一從渾沌伏犧開次第春秋去復回不信揮戈與酣酒能  
教日月自西來

見月二首

晦顯誰能宰悠悠太始年花穠酣夜苑雁唳怨秋邊老衲  
將歸舍閑階上指天無言報微笑內外一時圓

牟尼大珠月光被萬方城卻不依山小猶非近水明飛揚  
雲態盡溟沐露涼生塵世留痕少長河天上橫

長夏假寐

茅齋醒假寐，几杖意猶慵。  
伏櫪馬身老，垂帷書味濃。  
遠山青靄滴，曲徑綠苔封。  
畏夏人來少，晝長吟竹松。

雨窗懷故人張齡

窗竹搏風夏雨涼，懷君秉燭望瀟湘。  
他年重作洞庭客，恐憶今宵仍斷腸。

唾天

仰唾青天氣，勢豪紛紛飛沫湧。  
洪濤恒沙無盡大千界，任爾微塵鋪兔毛。

時觀

海國交興利鯤臺，解順時閭閻搨羯鼓。  
陵廟頌胡詩，九陌

車如水深宵酒滿池  
孟春遭擯久木鐸少人知

辛酉七月八日立秋客興

和風報花信誰遣寄清秋  
一樣凋桐葉殊前會女牛羣芳  
春不駐岐路客長愁  
天上與人世將從何處遊

國風會畫展諸友皆半僧高足臨觀題贈

春雲秋水煥鯤臺  
一代江山一代才  
羨煞半僧桃李樹無  
量金粟化身來

匏瓜

我有匏瓜百世榮  
無人知味竟垂名  
荒天長繫秋風晚  
勝似雞豚入鼎烹

題陳琇惠女士老人福利工作論文

羣言淆亂失中和君子慚聞魯國多才女  
瑤臺傳禮運衰翁故國悵銅駝書成孝道山  
凝重光澈慈心鏡久磨今欲方人求古事  
班昭東觀似同科

秋夜靜思

似有遙天籟林間宿鳥投村煙數家暮海月一牀秋獨醒  
茶堪飲長貧士不憂明朝升旭日或看蜃宮樓

貧樂答人問二首

門開曉日踏蒼苔厨少新煙有舊灰只不傷廉隨處去知  
無昔事飯嗟來

典衣雖盡可沽書  
孟飯盤葵樂自如  
門外輕雷時遠近  
揚塵多有故人車

題蜀山猗蘭別墅舊居攝影

客眼巴山似故鄉  
徘徊尚不斷人腸  
窗前猶是嘉陵水  
未聽漁舟唱夕陽

讀太白贈汪倫詩寄慨

遠望青帘不掃愁  
荒村安有萬家樓  
汪倫縱在謫仙潭  
水桃花空自流

辛酉中秋重陰午夜雲歛與諸生賞月

文宴中秋夜  
軒車盡美都  
高風洗天淨  
午月入荒鋪  
仙杖

橋雖幻木樨香不無素心二三子共照有何殊

題映雪讀書圖

風雪漫天壓草廬任他盈尺積庭除明朝知有遠朋到不  
借鄰燈溫舊書

憶人

別意纏綿入夢鄉山鐘遙送五更涼前塵漫向愁中憶清  
恙還疑藥外忙生白西窗沉月鏡沁脾東壁溢芸香人間  
聚散有疏密勝似高天參與商

九日

滿城風雨昨晴時始覺重陽在近期寧可無人來送酒何



能賞菊不題詩西風落帽輸前古蠟屐登山幸未遲仙嶠  
避災三十載菜萸把看更多思

菊頌八首

霜天落木塞鴻哀阡陌蕭條枯草萊久厭西風專肅政黃  
英不屈抗顏開

東籬香淡徑無塵記得癯顏是故人商氣蕭森清不改千  
秋幾度伯夷身

看山久坐采霜枝盈把還同一卷詩不必白衣來送酒淵  
明心籟有金絲

疏煙寒水隔蒹葭松徑秋畦高士家二十四番風候信只

堪吹放上林花

燕京九月蟹初肥，載酒籬邊宴夕暉。  
識得孤芳塵境遠，樽前誰是掛冠歸。

菊為燕京市花

詠菊何須共酒樽，遙思湘水有醒魂。  
落英餐罷無多許，萬古文章一瓣痕。

從來插帽壓詩豪，靜愛山居瘦似陶。  
畢竟德馨難自掩，誰家重九不登高。

佳色秋神不可分，還將晚節補天心。  
會當零落眾芳後，普與人間來布金。

### 憶故園菊五首

歲華無計忘長安，猶見金莖承露盤。  
故國秋深急刀尺，只愁非是漢衣冠。

開菊曾憐傍戰場，岑詩重誦斷人腸。  
狼烽今日遍天下，愁在他鄉憂故鄉。

西颺捲地疊金錢，難買人間一寸氈。  
大嚼屠門空釀酒，洞庭南望獨飛仙。  
菊有金錢一種最善

南山千佛菊千叢，白日西馳月出東。  
名士空城題壁去，踰跚醉語野煙中。  
歷下千佛山皆菊

我逐白雲西北來，霜根早向半畦栽。  
少陵垂淚樊川笑，二杜今無或不開。

知止

貧賤心長泰  
匡時願已違  
斯民天不弔  
舉世政全非  
投筆閑風月  
來朋煮蕨薇  
邱隅欣有止  
雲路任鴻飛

閭鄰江叟善藝蘭  
時以素心類來供

綠川湄上結高鄰  
分得芝蘭一室春  
藹藹無多言似默  
素心香印素心人

題橄欖仁二首

與茶同烹潤喉唇

苦澀人多惡  
回甘未可論  
清芬脫然去  
尚有諫心存  
潤燥仍良藥  
同茶啜玉壺  
詩腸湘水潤  
悠久不能枯

明教授家陷大陸  
其尊翁沒世二十餘年  
今始得信

弔之

國破家何問，流離各自殊。  
遺耆天不憐，遊子淚全枯。  
九世讐仍在，萬方民待蘇。  
重泉深瘞恨，移孝作良圖。

正義

王者人中貴，黃金一紙投。  
興邦惟禮讓，正義在春秋。  
雲集海隅密，龍飛天上遊。  
蒼生望霖雨，七載待湯求。

校增經書某文柄譏笑大錯深斥感作笑道二首

先後聖皆死，乾坤荒到今。  
如何盜未止，反爾陸將沉。  
儀狄釀黃海，巴人遊翰林。  
五千言外意，無處覓知音。

朝夕蜉蝣短絃歌，掩耳驅終風。  
從疾暴下士，祖羌胡鄉國。

亡仍亂心肝老更無賴今聞一笑聃語有徵符

日儒荒尾樂為慈益事業聞予九旬且有同道之誼  
來訪

儒林法苑道攸同富士高瞻碧海東萬里飛來山帶雨蘭  
開九畹茂新叢

贈加古川市醫師會

赤日東升降紫烟滄溟三島聚神仙壺中各有靈蘭秘普  
與人間益壽年

贈加古川市醫師會會長平野朋

丹經多是洞天文攜入醫林奪冠軍願與蒼生作霖雨眾

山相拱展春雲

贈華僑銀行新經理林錫忻

裕國懷柔寶藏開張蒼第一度支才誰知炎漢千年後繼  
武心傾有道來

題往水閣觀瀑圖

滴翠羣峯樹裊煙飛瀧遙落入晴川如舟水閣紅塵外來  
是幽人住是仙

老重陽 齊俗九月度三重陽中旬日展下旬日老

東籬蕭瑟菊猶存戶外南山夕照昏興盡何妨詩一句庭  
空不必酒盈樽霜高楓落晚霞紫地靜蘆閑晴雪屯聞道

重陽今日老辦香吾與薦秋魂

時學

西樓彼美結新歡  
忍棄典章趨異端  
涸獮無魚何所祭  
鳴蛙有祿半居官  
羣言鼎沸匡時少  
萬國雲遮欲話難  
滿眼青衿佳子弟  
殷殷心曲未能寬

回憶二首

曾以紅樓夢作教材餘習猶存

學士瀛洲歸洞天  
胡麻依舊可登仙  
獨憐來去衛懿鶴不  
厭添籌七十年

紅樓絳帳眼皆青  
蚊夢沉沉曉不醒  
昨夜琵琶催醉卧  
問誰起讀十三經



讀吾師印光大師丁著佛學指南序

覺世靈文自性天焚香重誦愧薪傳湍飛雷震三千字珠  
網交輝顆顆圓

新憂

壯歲衝烽火歸來已白頭室中無長物天下有新憂朝滿  
金閨彥山藏木鐸道茫茫今古事俯仰大江流

月夜有思

空齋滅燭帷薄明孤月如霜星斗橫微風入林逐雲散巢  
鵲宿鳥俱不驚客懷今宵欲有愬曳杖躑躅臨泉行所思  
伊人杳何許搔首春西千百城歸來不寐待天曉呵壁猶

自哀屈平

無例

不知天命欲何如，  
上有巢棲下穴居。  
二十五家青史在，  
無從援例撰今書。

出山

盤折下羣峯，  
露衣露氣濃。  
人辭黃葉寺，  
鳥宿暮天鐘。  
城近繁燈火，  
衢文結馬龍。  
車歸青在眼，  
勿謂北山蹤。

溪山訪友

溪山無處不林泉，  
繞屋春深花似然。  
未見漁樵愁問徑，  
但尋書韻入蒼煙。

久陰

揮塵清天下年衰興未孤  
鳳麟非世瑞牛馬任他呼  
處士多橫議邦君半獨夫  
猶當風雨晦按劍視前途

五大洲三首

五柄長瓢海上浮  
仙人醉去此中投  
春秋幾度依然在  
萬水歸源無處流

瓢存仙杳尚餘芳  
化育蟲多漸毀傷  
狐兔爭邱侵蝕盡  
麻姑三見變滄桑

欲護天心數點塵  
徘徊四顧誰與鄰  
澈知鷹犬非今計  
當倚庖羲布大仁

除夕聞寺鐘

家家除夕換桃符，客舍蕭然香一鑪。  
鐘磬交音來遠寺，野僧猶遜斷蓬孤。

戌年頌狗

忠信漫輕許，世間惟彼尊。  
糠糜懷泰主，風雪卧柴門。  
鄰富難留守，家亡不獨存。  
飛昇天上後，善繼有兒孫。

戌年新正觀張善子畫虎勉後學者

類犬何妨畫猛威，張獨能寅宗中夏朔。  
戌會十年朋桀出，堯廷後風生劍氣。  
騰才人多妙筆，取捨秉心燈。

壬戌人日薦菜

天際蒼蒼斗轉寅參差物候九垓春  
違時緘默何如鳥率性粗疏愧對人  
壯志冰消餘懶祭鄉魂夢久羨鴻賓  
菜羹孤客翻為主輒與東皇洗陌塵

讀太白集二峯詩寄感三首

泰山日觀峯

元氣盤緯象蒼蒼五嶽尊東溟初日湧  
禹甸萬方溫霖雨生膚寸封儀有魯存  
縱觀天下溺仁者手先援

華山玉女峯

沐髮銀河畔新妝萬物齊雲開星眼炯  
風掃月眉低流澤思源水知方欲舞雞  
曾聞降王母或向借天梯

兩峯合詠

雙峯高並仰垂象始河圖輕重於何有陰陽未許孤祠前  
仙掌印澗底石經鋪夜雨秦關霽春風大地蘇

西歷二月二十四日聞祭少正

北邑情人廟陪都少正祠蒸嘗多士女標榜兩君師今古  
天難改戎羌路自岐已聞能事鬼淨掃漢官儀

歌宴

琉璃燈下美人來一曲清歌怨落梅淚眼初乾聞勸酒捧  
樽微笑又花開

題西征凱旋圖

異域皆歸化，長征將士閑。  
人耕青海雨，雁宿賀蘭山。  
塞月照空壘，盟書馳漢關。  
春閨聞露布，萬戶破愁顏。

月中

高懸天鏡照瑤臺，萬里空明淨眼開。  
月色雖非霜滿地，如霜却是月中來。

壬戌春分野望

春痕觸目思悠然，草色輕鋪滿地煙。  
西陸猶崇人獸鬪，新華怠棄夏周年書刪。  
二典從忘祖雷震，三臺尚有天節近。  
清明時北望為邦應，護舊墳田昔羅馬曾設人獸鬥場

春日綠川西望

兩川如鏡夾芳菲樓閣參差燕子歸一片東風天上落來  
隨流水送斜暉

兩川水皆西流

### 緣

風雨同舟四十年霧花籠眼雪盈顛心違展墓薦洙水夢  
有聞經登杏壇浮海何曾輸季路歸槎恐不伴張騫聖門  
松柏春長在了却瘋僧一段緣

### 夢

夢中不知夢醒後猶念之念則仍是夢有生無醒時求賢  
得羊野解索昆明池汗青二四史六夢顛倒辭躁人語多  
費守默今適宜且酌中山酒厭看爛柯棋迂哉屈靈均達



者陳希夷

蠻語

蚓異柯亭竹，蜩非綠綺絃。  
雨畦泥盡醉，清晝柳三眠。  
國監書全蛀，秦碑字不鐫。  
西風皺水練，暮靄浣松煙。  
羨唱愁蠻語，陽春憶往年。  
巴人巫峽上，睨視若耶船。  
草芥靈光壁，絲綸美利堅。  
商音金氣旺，勝母主文壇。

題日月潭玄奘寺

鷲嶺隨錫至，鯤臺通地靈。  
潭澄僧眼碧，山聳佛頭青。  
香刹侵花雨，風檐語梵鈴。  
會心多法悅，不必定聞經。

海嶠寒食

去國八千路斷魂三十年願將滄海水今夕變桑田趨走  
鄉塵裏椎心祖塋前無窮游子淚當酒酌重泉

碧潭湄上證上人故庵

苔痕鳥跡印荒庭惆悵昔年來問經日暮歸舟人立岸臨  
風回看一潭星

柳村客至霑絮

春溪曲繞綠楊村晴絮飛時客到門忽憶寒江歸釣叟雪  
中簑笠舊詩痕

壬戌閏四月戲題五首

清和纔過尚清和料到今年樂事多最好天錢如驟雨填

平四海不揚波

浴佛餘音又化身今番來或伏波  
旬沛然還注黃梅雨普  
洗娑婆萬劫塵

野閣南風四月秋雙岐曾為麥歌謳  
於今天意重興夏星  
落揮鎌已滿疇

蓄畬來往饁晨昏夜課蠶桑席不溫  
回首千家四更月未  
乾鴉血舊啼痕

四圓天鏡夏時長禹甸高懸得勝幢  
西有詩魂能默契不  
瞋遲日弔湘江

邸報倡始與孩子談愛情誌慨

題括內係錄原文

追尋百年夢重檢墳典書叵信男女欲竟為訓蒙初六候  
未曾載羣經皆擯除嗟爾東家施效顰起揭檠西方少女  
國桑中結青廬髻齷先知春鵲巢教鳩居邱報雲飛揚詖  
辭各紛挐古訓非所好乘時廢關雎上由各縉紳下及樵  
與漁天地通異色相將入華胥彼蒼我不識父母心何如  
儒冠今可擲流眄問長沮

黃昏之戀專線三首有序

題乃社團名稱老人協會為慰藉鰥寡老朽所設  
躬作月老各報徵求登記以便廣事牽引甚囂一  
時聞亦受美風之化也

青梅竹馬誘懷春  
白髮紅繩蔑大倫  
幾度披襟說鄒魯  
能聽難覓漢唐人

望風怊悵憶潯陽  
高節不隨三徑荒  
記得當年舊松菊  
至今猶傲九秋霜

西風慾海湧狂瀾  
禹甸沉淪未忍看  
老去先枯憂國淚  
葩經一誦寸心寒

有旅美不相識者  
自命為師擅改佛經  
迭函教從其說  
繼來台宣其偏執  
哀而却之二首

瑤池西降數封函  
貶古非今斧鉞嚴  
半面未逢名乍睹  
隨時默擯口三緘  
塗經睥睨無羣聖  
樂說因緣傲六凡  
耳食

天厨多妙味夢中枵腹品酸鹹

滿騷風雨晦冥時大麓遵方不慮岐至道函關盈紫霽真  
如鷲嶺示摩尼天高日月終長照澤困魚蝦可小知况是  
鄉山齊故郡鄭家奴婢解毛詩

端午

中日戰避渝八夏徐蚌役蟄臺三十餘夏

蜀葵如錦日當頭三峽江濤入海流兩地同風筵角黍容  
中滋味憶渝州

六經之中無真字為時誤解誌感

字典孫季昭注

六經前未收真字不與荀卿性惡同下士多疑難共語狂  
夫異趣獨持躬誰教芍藥繁鄉校更撥琵琶逗梵宮擊磬

耘田搔白首臨歧深愧信天翁

股聯均記時尚

慰友人落第

李杜皆落第文垂千載名知君器識闊揮翰海潮生再戰  
當全克塞旗雪不平扶搏九萬里仰與古人爭

島居七夕

晚晴還帶火雲流水面涼風半入樓壁有新詩添偶侶瓜  
邀弦月似分秋人間宿恨離鄉國天上佳期渡女牛烏鵲  
銀河橋事畢肯飛濱海結方舟

蟋蟀玉簪皆北方秋候花蟲余幼夜讀院有此境寓  
臺三十年昨忽夢之不勝時世之感

小院黃昏蟋蟀鳴  
玉簪喧雨共秋聲  
滄洲客枕深宵夢  
弱歲書燈故里情  
殘魄終還江月滿  
無心復作岫雲生  
如何逆旅凋霜鬢  
人事天時不倒行

自嘲

恒沙世界寂光天  
何必首邱歸舊田  
我自逍遙御風去  
勝依荒塚聽齊蟬

舉世混戰

天下滔滔何事爭  
硝煙白骨亂縱橫  
升沉未定誰稱義  
利難分不正名萬古  
山河無此日九幽  
魂魄厭來生還愁  
聚訟多游士似是  
皆能指掌平



美四度背盟

烹茶留客話秋宵  
惆悵羌胡十六朝  
月落星稀天未轉  
國魂無賴問誰招

鐵馬

戍旗斜捲夕陽城  
鐵騎凌空風裏行  
今日纔知天地濶  
先從簷宇起秋聲

淨土頌二首

希有彌陀化刹塵  
寶池蓮似巨車輪  
香光只在西窗外  
來接三根信願人

千江千月十方同  
不去不來無始終  
難信法門徧普被  
教

依勢至立圓通

中秋宵陰詩禪諸友咸感抑鬱俄雲散二首

中秋宵漢碧雲遮片片風來洗月華莫道天機人不識分  
明只為有詩家

清茶吃罷寸心投相對無言一笑酬若問香同木樨未仙  
柯試斫廣寒秋

秋約

掃榻敞芸幕候門延玉珂秋深來客少屋小聚書多佳句  
樽前唱遙山日晚何還期十月望赤壁侶東坡

今歲壬戌

非時守默自訟

不足學藏拙寡聞非若愚  
頽年未更事客久憶歸途  
荒院菊三徑寒山松一株  
倚窗書破悶顛倒辨之無

西曆新朔

積雪悲風勁云何萬象新  
難逢守梅鶴但見釣江人  
有教多唯物非正憶建寅  
天心轉北斗終不指西秦

歌嘯

捨瑟歌且嘯海涯龍可聽  
潮平水自弱聲入物通靈  
膏雨澤燕塞賓鴻歸洞庭  
與時何所志一顧眼皆青

題林居士新第

南山如帶繞門前  
近宅青青柳裊煙  
是謝是陶人未識  
料

應深處隱高賢

知悔

閑居陋室樂清貧歲月揮毫總染塵莫道騷壇主風雅三分綺語二分賸

優生保健法立法初審通過誌感二首有序

歲壬戌衛生署提倡墮胎法案經立法院初審通過國人以有滅種及雜交之禍羣起抗議正不知前途若何也

掘墳能抗古滅種獨開今勾踐繁生志田單復國心羨他奇智畧慚我異苔岑羸骨久無用徒增華髮侵

背禮非民好如何立法行號天胡不吊捨地竟難爭別孕  
傷仁政采蘭違正名東山雲未盡渴望雨蒼生

邀友

共作良宵會君來不可遲盤柑茶與酒莫負月圓時